

M304: Dietrichs Flucht (R)

0,2328a wellt ir dâr zuo stille dagen .
0,2328b sô wile ich iu kurzlîche sagen .
0,2328c dô der wolf hêrr Dietrîch
0,2328d gelebet hête vile wûnnicliche
0,2328e driu jâr und vûnf hundert jâr
0,2328f daz ich iu sage daz ist wâr
0,2328g dô starp der ellenthafte man .
0,2328h nû hoeret als ich ez vernomen hân
0,2328i er liez sînen sun vile wûnniclich
0,2328j der hiez Hugedietrîch
0,2329 dô der gewuohs ze einem manne
0,2330 dô begunde er hier mit heben an .
0,2331 daz zuht und êre
0,2332 sîn râtgebe was sô sêre
0,2333 er minnete tugent und zuht
0,2334 er was der nôthaften zuovluht .
0,2335 der milte ein gelîchiu wâge
0,2336 ein trôst aller sîner mâge
0,2337 im en wart über noch gebrast
0,2338 er was der rechten triuwe ein ast
0,2339 der zuht ein rechter adamant
0,2340 sîn herze was alsô gewant
0,2341 swaz iu von milte ist geseit
0,2342 von tugende und von wârheit
0,2343 daz ist an allen orten blint .
0,2344 alle die nû gewesen sint
0,2345 die hânt mit milte sô vile niht getân
0,2346 als Hugedietrîch der eine man
0,2347 in sînen bezzisten zîten .
0,2348 daz er begunde strîten .
0,2349 nâch lobe der wîsen
0,2350 nâch der minne prîse .
0,2351 dô nam er von Vrancrîche .
0,2352 ein kûninginne rîche
0,2353 diu hiez vrouwe Sigeminne
0,2354 als ich mich reht versinne .
0,2355 daz ich iu solte nû wizzen lân .
0,2356 daz ist iu êr . wole kunt getân .

0,2357 wie der hêrre Hugedietrich
0,2358 die küniginne von Vrancrîche
0,2359 mit ûzerwelter manheit .
0,2360 in ire vaterlande erstreit
0,2361 waz arbeit er umbe si gewan .
0,2362 êr . er si ze wîbe nam .
0,2363 dô er si brâhte in roemisch lant
0,2364 nû ist mir daz wole bekant
0,2365 an disem langem mære .
0,2366 wie lange er mit ir wære .
0,2367 mit guotem lebene daz ist wâr .
0,2368 vünftehalb hundert jâr .
0,2369 dô diu zît ein ende nam .
0,2370 ich sage iu waz er kinde gewan .
0,2371 niuwan einigen sun .
0,2372 der wart sô biderbe und sô vrum .
0,2373 daz er vile êren bejagete
0,2374 diu sælde mit im tagete .
0,2375 nû lâzen wir diu mære wesen .
0,2376 dô Hugedietrich niht langer mohte genesen .
0,2377 ô wê dô starp er leider
0,2378 dô underwant sich beider .
0,2379 Amelunc der lande
0,2380 den man sît wole bekante .
0,2381 nû sint die künige alle tôt .
0,2382 Amelunc leit sît grôze nôt .
0,2383 mit manigem urliuken .
0,2384 uns welle daz mær triegen .
0,2385 iedoch betwanc er manic lant
0,2386 daz ist genuogen wole erkant .
0,2387 der rîche küninc Amelunc .
0,2388 der wart der tugende ursprunc .
0,2389 mit triuwen und mit stæte .
0,2390 wie manige tugende er hæte .
0,2391 ez en gelebeten jene bî ire tagen .
0,2392 als wir daz buoch hoeren sagen .
0,2393 nie sô rehte prîslîche
0,2394 als Amelunc der küninc rîche
0,2395 nû wile ich iuch wizzen lân .
0,2396 als ich vüre wâr vernomen hân .
0,2397 von welichem lande er nam ein wîp .
0,2398 dâ mit sîn tugenthafter lîp .
0,2399 maniger êren teil gewan .
0,2400 wole ich iu daz bescheiden kan .
0,2401 diu was von Kerlinc geboren .
0,2402 nû sulet ir haben niht vüre zorn .
0,2403 daz ich iuch berihtet hân .
0,2404 wie ez enneher ist ergân

0,2405 Amelunc der rîche
0,2406 der gewan sicherlîche
0,2407 drîe süne wole getân .
0,2408 der namen ich iu wole nennen kan .
0,2409 der altest der hiez Diether
0,2410 nû sage ich iu âne wer
0,2411 der ander der hiez Èrmrîch
0,2412 hêrre got nû klage ich
0,2413 daz er ie einen tac genas
0,2414 wande er der ungetriuweste was
0,2415 der ie von muoter wart geboren .
0,2416 von im wart manic man verloren .
0,2417 der dritte Amelunges sun .
0,2418 nû hoeret dise mære nû .
0,2419 der hiez der küninc Dietmâr .
0,2420 dô Amelunc sîniu jâr .
0,2421 wole lebete unz an sînen lezzesten tac
0,2422 nû sulet ir hoeren wes er dô pflac
0,2423 dô rieten im mâge und manne .
0,2424 “hêrre ir sulet daz niht lân .
0,2425 oder ir teilet iuwer lant
0,2426 under iuweriu kint alzehant .”
0,2427 dô volgete er ir aller râte .
0,2428 er teilte diu lant an der stat .
0,2429 dô gap er Èrmrîche .
0,2430 Püllen gewalticlîche .
0,2431 Gâlaber und Wernhers marke
0,2432 Wernher der helt starke
0,2433 der entvie daz herzogentuom und daz lant .
0,2434 von des ungetriuwe Èrmrîches hant .
0,2435 daz mær ich wâr mache .
0,2436 dô gap er Brîsache .
0,2437 und Berne daz lant .
0,2438 Diether dem wîgande .
0,2439 dô gap er dem künige Dietmâr .
0,2440 Lamparten allez gar .
0,2441 roemisch erde und Isterrîch
0,2442 daz ez im diente gewalticlîche
0,2443 Frîûl slehte überal .
0,2444 und dâr zuo daz Intal .
0,2445 Amelunc der starp dâ mit .
0,2446 ze hoerenne ich iuch alle bite
0,2447 waz ich iu nû sagen wile .
0,2448 dise hêrren habent landes vile
0,2449 dâr zuo guot unde lîp .
0,2450 si nâmen alle drîe wîp .
0,2451 und gewunnen bî den wîben kint .
0,2452 di arbeit liden sint .

0,2453 nû wile ich iu tihten .
0,2454 und der mæ r slehte berihten .
0,2455 waz ieteslîcher kinde gewan .
0,2456 daz wile ich iuch wizzen lân .
0,2457 ez gewan der küninc Èrmrîch .
0,2458 einen sun der hiez Vriderîch .
0,2459 den er sît versande .
0,2460 hin ze der Wilzen lande .
0,2461 dâr an man sîn untriuwe sach .
0,2462 nû sehet dâ er sîn triuwe brach .
0,2463 an sînem liebem kinde .
0,2464 an manigem mæ r ich daz vinde
0,2465 daz bî niemannes tagen .
0,2466 ungetriuwer lîp nie wart getragen
0,2467 Diether der rîche
0,2468 der gewan sicherlîche
0,2469 drîe süne wole getân
0,2470 den Èrmrîch sît benam
0,2471 daz leben dô er si vie .
0,2472 und si âne schulde hie .
0,2473 Dietmâr der tugenthaft .
0,2474 der lebete in reiner blüe jenter kraft .
0,2475 vûnvzehen jâr volliclîche .
0,2476 und nam ein küniginne rîche .
0,2477 eines küniges tohter .
0,2478 deste baz mohte er
0,2479 geleben nâch sînem muote
0,2480 Dietmâr der guote .
0,2481 gewan bî der selben vrouwen kint .
0,2482 die wurden biderbe unde küene sint .
0,2483 wer der eine wære
0,2484 daz ist der Bernære .
0,2485 der mit maniger manheit .
0,2486 alliu diu wunder hât bejeit .
0,2487 dâ von man singet unde seit .
0,2488 wande er leit michel arbeit .
0,2489 Dietmâr unde Èrmrîch .
0,2490 die zugen beide ungelîche
0,2491 Èrmrîch der wart karc
0,2492 Dietmâr vore êren nie ne barc
0,2493 er was milte und tugenthaft .
0,2494 got vuogete im guotes rîche kraft .
0,2495 doch saget uns ein mære .
0,2496 swie milte Dietmâr wære
0,2497 iedoch bûwete er Berne .
0,2498 unde . was dâ alle zît vile gerne .
0,2499 unz an sînes endes zil .
0,2500 er gewan hôher êren vile .

0,2501 er was ein vorhtsam man .
0,2502 des was im slehte undertân .
0,2503 roemisch lant und roemisch marke .
0,2504 Dietmâr der was sô starc .
0,2505 daz im bî sînen zîten .
0,2506 nie küninc torste widerrîten .
0,2507 in den êren lebete Dietmâr .
0,2508 vierzic jâr und driu hundert jâr .
0,2509 dô kam der dem nieman vore gehalten mac .
0,2510 der tôten und der lezzeste tac .
0,2511 ô wê dô starp er leider
0,2512 dô verzêch sich Dietmâr ir beider .
0,2513 des lîbes und des guotes
0,2514 der vriunde und hôhes muotes .
0,2515 dô hête er niuwan zwei kint .
0,2516 die lîten arbeite sint .
0,2517 daz was Diether und Dietrîch .
0,2518 die sît vertreip küninc Êrmrîch
0,2519 nû lâzen wir di mære stân .
0,2520 und heben hier mit wider an .
0,2521 dô der küninc Dietmâr starp .
0,2522 roemisch lant nâch im verdarp .
0,2523 daz iz wart allez oede
0,2524 an grôzer rîchheit bloede
0,2525 daz weiz ich wole bescheidenlîche
0,2526 daz geschach von dem künige Êrmrîche
0,2527 dô Dietmâr den tôten doldete
0,2528 als er doch sterben wolte .
0,2529 dô bevalch er Êrmrîche .
0,2530 sîniu kint getriuwelîche .
0,2531 ô wê daz iz ie geschach .
0,2532 wande er sîne triuwe sît an im brach .
0,2533 nû ist der küninc Dietmâr tôten .
0,2534 nû hebet sich jâmer unde nôten .
0,2535 in al roemisch lande
0,2536 mit wüestenne und mit brande .
0,2537 Dietheren und Dietrîch
0,2538 die zôch ein herzoge rîche
0,2539 Hiltebrant der alte
0,2540 der küene und der balde
0,2541 der sît nôten arbeit .
0,2542 durch sîne liebe hêren leit
0,2543 nû ist iu wole kunt getân .
0,2544 wie Êrmrîch grîfet an
0,2545 untriuwe unde übermuot
0,2546 daz leider selten wirdet guot .
0,2547 nû hoeret reht wie ez ergie .
0,2548 Êrmrîch die Harlunge vie .

0,2549 wie er des gedâhte
0,2550 daz er siu zuo sich brâhte .
0,2551 dô er in tac hête gegeben .
0,2552 dô schiet er si von dem lebene .
0,2553 und zôch sich zuo ire lande .
0,2554 ô wê der grôzen schande .
0,2555 daz die got vertragen hât .
0,2556 ez was diu grôzeste missetât .
0,2557 diu ûf der erde ie geschach .
0,2558 got daz sît allez rach
0,2559 an sînem guote an sînem lebene .
0,2560 er nam im swaz er im hête gegeben .
0,2561 und rach den meinræten zorn .
0,2562 der lîp der wart hier verloren .
0,2563 nû ist diu sêle geselle
0,2564 des tiuvels in der helle
0,2565 dô man die Harlungen
0,2566 von ire lebene hête gedrunge .
0,2567 dô riet Sibeche und Ripstein .
0,2568 “des ist zwîvel dechein .
0,2569 edel küninc Ērmrîch .
0,2570 maht dû dînen veter Dietrîch .
0,2571 von dem lebene gedringen .
0,2572 sô habe den gedingen
0,2573 mit swelichem satze daz geschihet
0,2574 sô kan dir gewerren niht
0,2575 hinvûre iemer mêre
0,2576 sô hâs dû guot und êre
0,2577 mêr danne dechein dîn genôz .
0,2578 sô wirdet dîn gewalt grôz
0,2579 daz sich in den rîchen
0,2580 nieman getar zuo dir gelîchen .”
0,2581 der küninc Sibeche an sach .
0,2582 nû sulet ir hoeren wie er sprach .
0,2583 “nû wole mich daz ich dich hân .
0,2584 dû redest als ein getriuwer man .
0,2585 der niender unstæte hât .
0,2586 nû gip mir Sibeche den rât .
0,2587 dâ mit ich beherte roemisch lant .
0,2588 Dietrîch von Berne . hât an der hant .
0,2589 âne aller slahte rede den tât .
0,2590 oder ich bringe in in soliche nôt .
0,2591 daz er mir rûmen muoz daz lant .”
0,2592 dô sprach Sibeche alzehant
0,2593 “ich getuon iu hêre wole den rât .
0,2594 der im an sîn leben gât .
0,2595 ich sage iu hêre wie ir vart .
0,2596 daz daz niemer wirdet bewart .

0,2597 ir bringet Dietrich swar ir wellt .”
0,2598 der küninc sprach “ô wê welich ein helt
0,2599 dû Sibeche ze manigen êren bist
0,2600 got gûnne mir dîn vile lange vrist
0,2601 nû râte an wie ez müge ergân .”
0,2602 “hêrre daz wile ich iuch wizzen lân .
0,2603 wellt ir ez hoeren gerne
0,2604 nû gebietet dem von Berne .
0,2605 und heizet dem iuwern kumber klagen
0,2606 den ir dâr sendet den bitet sagen .
0,2607 und ir wellt varn über mer .
0,2608 gote dienen mit einem her .
0,2609 dem hêrn grabe helfen ûz der nôt .
0,2610 umbe der Harlunge tôt .
0,2611 den ir schaden habet getân .
0,2612 und in ire leben habet gewonnen an .
0,2613 daz wellt ir gerne bûezen
0,2614 ir getrûwet gote wole dem süezen .
0,2615 daz ir als lange noch gelebet .
0,2616 unz ir im buoze gegebenet .
0,2617 und entbietet im mêre .
0,2618 iuwer lant und iuwer êre .
0,2619 wellt ir im geben in sîne pflege .
0,2620 und wellt ir varn after wege .
0,2621 und heizet den boten mêr sagen .
0,2622 und bitet in daz niht verdagen .
0,2623 aller iuwer rîche .
0,2624 der müge sicherlîche .
0,2625 nieman baz gepflegen danne er
0,2626 und heizet in komen dâ mit her
0,2627 nû sehet . wie wole iuch daz vrumet .
0,2628 ich weiz wole daz er her kumet
0,2629 als daz danne geschihet
0,2630 sô beitet dâ mit langer niht
0,2631 ir scheidet in von dem lebene .
0,2632 sô hât iu got den wunsch gegeben
0,2633 daz aller iuwer vordern lant
0,2634 wartent iuwer eines hant .
0,2635 ist aber daz daz niht geschihet .
0,2636 daz er zuoze iu komet niht .
0,2637 sô rîtet mit heren starke .
0,2638 in sîn lant und in sîn marke
0,2639 und gewinnet im êre und guot an .
0,2640 daz kan er niemer understân .”
0,2641 “nû râtet mir” sprach Êrmrich
0,2642 “ob mîn veter Dietrich .
0,2643 ze wer sich setzet gegen mir”
0,2644 Sibeche sprach “sô habet ir

0,2645 sô manigen werden volcdegen .
 0,2646 wellt ir iuch anders bewegen .
 0,2647 daz ir im mâge und manne .
 0,2648 allez daz betwinget an
 0,2649 lant guot und gelt .
 0,2650 ir machet oede sîniu velt .”
 0,2651 dô sprach der küninc Êrmrîch
 0,2652 “daz tuon ich vile gewislîche
 0,2653 nû wile ich dich biten mêre .
 0,2654 Sibeche getriuwer recke hêre .
 0,2655 wâ wir einen boten dar .
 0,2656 nû gewinnen des nim war .”
 0,2657 dô sprach der ungetriuwe man .
 0,2658 “daz sol kurzlîche ergân .
 0,2659 vüre war wile ich râten daz .
 0,2660 dîn bote kan nieman wesen baz .
 0,2661 denne von Ankône Randolt
 0,2662 der ist dir mit triuwen holt”
 0,2663 Randolt der ziere .
 0,2664 der wart gewonnen schiere
 0,2665 dô in Êrmrîch an sach .
 0,2666 nû vernemet wie er sprach .
 0,2667 “Randolt lieber man mîn .
 0,2668 dû solt mîn bote ze Berne sîn .
 0,2669 ze mînem veter Dietrîche”
 0,2670 Sibeche sagete im heimelîche
 0,2671 disen ungetriuwen rât .
 0,2672 den man zesamene gebrûwen hât .
 0,2673 Randolt sich schiere . vereinte .
 0,2674 er weste wole waz man meinte .
 0,2675 dirre ungetriuwer smerze .
 0,2676 der gie im in sîn herze .
 0,2677 und betruobte sîniu ougen .
 0,2678 er begunde trahten tougen .
 0,2679 von disem starkem mære .
 0,2680 wie er den Bernære
 0,2681 bewarte und behuotte .
 0,2682 daz ez im koeme ze guote .
 0,2683 nû hoeret wie uns daz buoch las .
 0,2684 dô Randolt gevertiget was .
 0,2685 dâ hin gegen Berne .
 0,2686 der küninc sprach “nû wirp gerne .
 0,2687 getriuwelîche die boteschaft
 0,2688 ich gibe dir guotes rîche kraft .”
 0,2689 “ich getuon im sô daz ez dâ wirdet .”
 0,2690 sprach Randolt “dû bist niht verirrt .
 0,2691 an allen mînen reisen .
 0,2692 ich bringe dir die weisen .

0,2693 daz solt dû küninc ûf mir hân .”
0,2694 der bote schiet hier mit danne .
0,2695 der reise er slehtes sich bewac .
0,2696 nû hoeret waz triuwen er pflac
0,2697 mit maniger riuwe ûf dem wege .
0,2698 ûf der strâze und über stege .
0,2699 truckeneten sîniu ougen nie .
0,2700 manigen sûft den er lie .
0,2701 hin ze den ougen und von grunde .
0,2702 gote er antwürten begunde .
0,2703 genzlîche unde gerne .
0,2704 die hêrren beide von Berne .
0,2705 er klagete âne mâze .
0,2706 disen mort ûf der strâze .
0,2707 unz daz er kam ze Rabene .
0,2708 ein herzoge der hiez Sabene .
0,2709 der was hêrre über die stat
0,2710 als man mir gesaget hât .
0,2711 nû wart Randolten kunt .
0,2712 und vrâgete ouch an der stunt .
0,2713 wâ er Sabene vûnte .
0,2714 man zeigete im bî der stunte
0,2715 den werden recken ziere .
0,2716 Randolt der vant in schiere .
0,2717 ererbeizete vore dem palase .
0,2718 in den zîten komen was .
0,2719 Sabene unde Vriderîch .
0,2720 beide wâren si vûrsten rîche .
0,2721 und hêten liute unde lant .
0,2722 von des Bernærs hant .
0,2723 si begunden vaste gâhen .
0,2724 dô si Randolten sâhen .
0,2725 dô wart er wole entvagen .
0,2726 “nû lât iuch niht belangen .
0,2727 daz ich iu sage die mære .”
0,2728 sprach Randolt der gewære .
0,2729 “ich bin ein bote” sô sprach er .
0,2730 “und rîte von Êrmrîchen her .
0,2731 und wile gâhen gegen Berne .
0,2732 nû sagete ich iu gerne .
0,2733 vile heimelîchiu mære .
0,2734 iuwer hêrre der Bernære
0,2735 in guoten triuwen verrâten ist
0,2736 des bin ich bote an dirre vrist .
0,2737 daz tuon ich iu wêrlîche kunt
0,2738 swer im nû gûnne an dirre stunte
0,2739 guotes unde triuwen .
0,2740 die lâzen sich daz riuwen .

0,2741 ich wile in ez selp wizzen lân
0,2742 ich hân ez iu umbe daz kunt getân
0,2743 daz ir iuch edele degene .
0,2744 rihtet dâ engegene .
0,2745 daz ir iuwerem hêren .
0,2746 helfet wenden solichen werren .”
0,2747 dâ mit der bote dannen streich .
0,2748 der reise er nie tac entweich
0,2749 unz er ze Berne reit in die stat .
0,2750 als man mir gesaget hât
0,2751 er huop sich dâ mit schiere .
0,2752 Randolt der ziere .
0,2753 in den hov ûf den sal .
0,2754 dâ hête michelen schal .
0,2755 der junge küninc von Berne .
0,2756 der sach den boten gerne .
0,2757 “gote willekomen Randolt .
0,2758 von rehte sô bin ich dir holt”
0,2759 sprach der recke Hiltebrant
0,2760 “sage an mærer wîgant .
0,2761 weist iht mære oder wie gehabes dû dich .”
0,2762 “der mære bringet daz bin ich”
0,2763 hier mit bat man ûz gân .
0,2764 die man dâ inne niht wolte lân
0,2765 Randolt der sweic niht mêr
0,2766 er sprach “dir entbiutet hêr .
0,2767 Êrmrîch der veter dîn .
0,2768 daz habe ûf den triuwen – mîn .
0,2769 dâr zuo sô dû schierste maht
0,2770 daz habe eben in dîner ahte .
0,2771 daz dû zuo im rîtest
0,2772 und hüete daz dû iht bîtest
0,2773 vüre den tac morgen .
0,2774 ich sage dir unverborgen .
0,2775 mit swelichem ende . dû kumest dar
0,2776 daz habe gewisse vüre wâr .
0,2777 sô hâs dû guot und lîp verloren .
0,2778 bezzer ist diu reise verboren
0,2779 denne ob dû lidest den tût
0,2780 sô muosten iemer haben nôt .
0,2781 swaz der dînen liute sint
0,2782 nû belîp hier Dietmâres kint .
0,2783 nû hân ich dir die wârheit
0,2784 rehte und ebene geseit
0,2785 nû sende vürste starc .
0,2786 alumbe ûf dîne marke .
0,2787 besetze dîne veste
0,2788 daz ist dir daz bezziste

0,2789 nû hâs dû wole vernomen an dirre vrist
0,2790 wie dir dîn lîp verrâten ist
0,2791 dâ mit muoz dich got bewarn .
0,2792 ich wile mit dînen hulden varn .
0,2793 heim ûf mîne marke
0,2794 habe ûf mir” sprach der starke
0,2795 “daz ich dir bî wile gestân
0,2796 und slehtes hêrre durch dich lân
0,2797 manne guot unde wîp .
0,2798 durch dich wâge ich guot und lîp .”
0,2799 dâ mit der bote dannen streich .
0,2800 der reise er nie zît entweich .
0,2801 unz er Êrmrîchen vant .
0,2802 er huop ûf und seite zehant .
0,2803 des doch ze Berne nie wart gedâht .
0,2804 “hêrre er wirdet niht vûre brâht .
0,2805 dâr nâch schaffet swie ir wellt .
0,2806 diu sippe diu ist ûz gezelt .
0,2807 zwischen iu unde sîn .
0,2808 er kumet her niht hêrre mîn .”
0,2809 nû wurden diu mære schier kunt
0,2810 inne des huop sich bî der stunt .
0,2811 der küene Randolt von dannen .
0,2812 er wolte Êrmrîch niht gestân .
0,2813 dô der ungetriuwe wart gewar .
0,2814 daz der von Berne wart sô gar
0,2815 gewarnet dirre mære
0,2816 dô wart im harte swære
0,2817 dô gebôt er eine herevart .
0,2818 daz nie dechein groezerer wart
0,2819 ûf roemischer erde .
0,2820 vile manigen recken werde .
0,2821 die gewan Êrmrîch .
0,2822 ze helfe ûf Dietrîch .
0,2823 nû hebet sich nôt und ungemach .
0,2824 durch untriuwe daz geschach .
0,2825 daz ist diu êrste swære .
0,2826 dâ mit der Bernære .
0,2827 des êrsten begunde heben an
0,2828 . êr . er gewuohs ze einem manne
0,2829 Êrmrîch daz golt rôr .
0,2830 allen den recken bôt
0,2831 und swer ez nemen wolte
0,2832 den rîchte er mit solde .
0,2833 des wart vile michel sîn her .
0,2834 nû reit er slehte âne wer .
0,2835 dâ er bejagen wolte ruom .
0,2836 ze Spôlît in daz herzogentuom .

0,2837 dâ tet er schaden starke
0,2838 ze Ankône ûf der marke
0,2839 dâ wuoste er riute und lant
0,2840 er hiez werfen an den brant
0,2841 dô beruofte er nôt und ungemach
0,2842 daz gestuont unlange dâr nâch
0,2843 unz man seite diu mære .
0,2844 die unbillîchen swære .
0,2845 die kômen in daz lant überal .
0,2846 dô der schade sô wîte erschäl .
0,2847 den vremen und den gesten .
0,2848 den hôhen und den bezzisten .
0,2849 den behagete iz allez niht wole .
0,2850 sît ich iu die wârheit sagen sol .
0,2851 die untriuwe die Êrmrîch .
0,2852 begie an hêrrn Dietrîch
0,2853 umbe dise grôze geschiht
0,2854 dâr ûf ahtete Êrmrîch niht
0,2855 er hête sich es beidenthalp bewegen .
0,2856 er hiez daz lant oede legen .
0,2857 mit roube und mit brande .
0,2858 nieman in des wânde
0,2859 roemisch lant allez er vüre sich nam .
0,2860 dâr umbe hête er decheine schame
0,2861 er brante unz an Meilân .
0,2862 er tôte wîp unde manne
0,2863 der mort was im gar ein wint .
0,2864 daz rach got allez an im sint .
0,2865 nôt unde wâfene klagen .
0,2866 daz geschach allez bî den tagen .
0,2867 Êrmrîch des niht verdrôz .
0,2868 ditze unbilede grôz .
0,2869 und ouch diu ungebære
0,2870 daz wart ein gengez mære .
0,2871 von armen und von rîchen .
0,2872 dem hêrrn Dietrîchen .
0,2873 hête dannoch nieman geseit
0,2874 den mort und daz herzen leit
0,2875 nû gevriesch der herzoge Sabene
0,2876 diu mære hin ze Rabene
0,2877 ez læge Êrmrîch und manic man .
0,2878 vore der stat ze Meilân .
0,2879 als ez ouch leider wâr was .
0,2880 nieman vore im genas .
0,2881 nû ist mir daz vüre wâr geseit .
0,2882 Êrmrîch swuor einen eit .
0,2883 daz er niemer wolte . ûf gehâben .
0,2884 oder im würde Berne undertân .

0,2885 nû habet ir diu mæ̃r wole vernomen
 0,2886 wie gewalticliche ist komen .
 0,2887 Êrmrîch in roemisch lant .
 0,2888 hier mit vuor er sâr zehant
 0,2889 von Meilân gegen Rabene .
 0,2890 der herzoge Sabene .
 0,2891 der gie ze râte und sîne man .
 0,2892 die er dô mohte bî im hân .
 0,2893 er sprach “weiz aber ieman endeliche
 0,2894 ob mîn hêrre Dietrîch .
 0,2895 wizze disiu mære
 0,2896 der nû guot wære .
 0,2897 der durch uns alle gerne
 0,2898 striche gegen Berne
 0,2899 und dâ kunt tæte
 0,2900 dise meinræte .
 0,2901 die der küninc Êrmrîch .
 0,2902 an uns tuot ungetriuweliche”
 0,2903 “daz wile ich sîn” sprach Volcnant
 0,2904 “ich wile gein Berne alzehant”
 0,2905 dem helde vile versunnen .
 0,2906 balde wart gewonnen .
 0,2907 ein meidem den man ledic zôch .
 0,2908 dâr ûf er jagete unde vlôch
 0,2909 dô der recke wart bereit
 0,2910 hier mit er niht langer beit
 0,2911 sînen meidem nam er in die hant .
 0,2912 dâ mit durchstreich er daz lant .
 0,2913 mit vile grôzen sorgen .
 0,2914 unz an den dritten morgen
 0,2915 er kam ein wênic vore dem tage .
 0,2916 nû merket reht waz ich iu sage .
 0,2917 vûre die stat ze Berne .
 0,2918 nû solt ir hoeren gerne
 0,2919 wie der recke lobebære
 0,2920 kunte disiu mære
 0,2921 ein degen der hiez Volcnant
 0,2922 der kam ze Berne vûre gerant
 0,2923 “nû wole ûf hêrre Dietrîch
 0,2924 vile sêre riuwest dû mich .”
 0,2924a hier hebet sich der êrste strît .
 0,2924b ein degen der hiez Volcnant .
 0,2924c der kam ze Berne vûre gerant
 0,2924d “nû wole ûf hêrre Dietrîch .
 0,2924e vile sêre riuwest dû mich .
 0,2925 dir hânt di Êrmrîches man .
 0,2926 sô vile ze leide getân .
 0,2927 si ligen ûf dîner marke

0,2928 die edelen brennent starke
 0,2929 nû ledige wîp und kint
 0,2930 die mit grôzen noeten sint .
 0,2930a nû wer dich degen hêre .
 0,2930b ich ne warne dich nie mêre
 0,2931 Êrmrîch læt nieman genesen .
 0,2932 swer an dir hêre wolte wesen .
 0,2933 dem tuot er vile ze leide
 0,2934 vûre wâr ich dir ez bescheide
 0,2935 nû wole ûf degen hêre
 0,2936 ich ne warne dich nie mêre”
 0,2937 hin umbe daz er gesagete .
 0,2938 von himel ez schône tagete .
 0,2939 dô was ouch komen Hiltebrant
 0,2940 der vant den degen Volcnant
 0,2941 vore der burc ze Berne .
 0,2942 er sach den recken gerne .
 0,2943 er nam den ellenthaften man .
 0,2944 er wîste in balde mit im danne .
 0,2945 vûre den Bernære
 0,2946 er sagete im diu mære
 0,2947 von Êrmrîches reise
 0,2948 den mort und die vreise
 0,2949 den Êrmrîch tet in dem lande
 0,2950 mit roube und ouch mit brande .
 0,2951 “ich wile dir sagen waz dû tuo
 0,2952 nû grîf baldiclîchen zuo
 0,2953 sende ûf dîne marke
 0,2954 und bite die recken starke
 0,2955 daz si gedenken dâr an .
 0,2956 ob in dîn vater ie liep hât getân .
 0,2957 daz si dir komen schiere .”
 0,2958 “ich weiz wole” sprach der ziere
 0,2959 “dû maht wole edele recken hân
 0,2960 wellent si dir gerne bî gestân .”
 0,2961 “mit triuwen” sô sprach Hiltebrant
 0,2962 “nû sage an hêre Volcnant
 0,2963 hâs dû daz grôz volc gesehen
 0,2964 des hôrte ich dich gerne jehen
 0,2965 wie vile mac Êrmrîch liute hân
 0,2966 daz solt dû mich wizzen lân .”
 0,2967 “daz weiz ich wole” sprach Volcnant
 0,2968 “ich sage dir hêre Hiltebrant
 0,2969 Êrmrîch der küninc hêre
 0,2970 ahtzic tûsent und dannoch mêre .
 0,2971 mac Êrmrîch vile wole hân .
 0,2972 als ich mich versinnen kan .”
 0,2973 leit wart dem Bernære .

0,2974 Hiltebrant der mære .
 0,2975 der trôstete sînen hêrren .
 0,2976 “umbe disen grôzen werren .
 0,2977 sulet ir küninc niht verzagen .
 0,2978 ich wile iu ander mær sagen .
 0,2979 êr . ez noch hiute werde naht .
 0,2980 wir gewinnen eteslîchen maht
 0,2981 Êrmrîche ze leide
 0,2982 . êr . er hinnen scheide .
 0,2983 er gelæt uns eteslich pfant .
 0,2984 dâ mit uns erbe unde lant
 0,2985 wirdet lîhte vergolten”
 0,2986 der rât wart niht bescholten
 0,2987 in der zît dô daz geschach
 0,2988 zuo der stat man rîten sach
 0,2989 vile manige schar hêrlich
 0,2990 dô wart dem hêrren Dietrîch
 0,2991 gesaget niuwîu mære
 0,2992 daz ein her komen wære
 0,2993 vüre die stat ze Berne .
 0,2994 daz hôrte er vile ungerne .
 0,2995 wande im hête nieman kunt getân .
 0,2996 daz ez wæren sîne man
 0,2997 man hiez bereiten ûf die wer
 0,2998 armbrustschützen gegen dem her .
 0,2999 in der zît kam Helmschart
 0,3000 und der starke Wolvhart
 0,3001 mit vile manlîchen siten .
 0,3002 ze Berne ûf den hov geriten .
 0,3003 und sagete dem Bernære
 0,3004 diu starken . niuwen mære
 0,3005 “ez sint komen iuwer man
 0,3006 vüre di stat ûf den plân
 0,3007 Hûnolt unde Sigebant
 0,3008 Sindolt und Volcnant
 0,3009 Êgewart unde Nêre
 0,3010 Alphart ein deggen hêre
 0,3011 und der herzoge Sabene
 0,3012 und Vriderîch von Rabene .
 0,3013 Jubart von Laterân .
 0,3014 Starcher und Elsân
 0,3015 Stuoetvuchs von Rîne
 0,3016 von Metzen Ortwine
 0,3017 und von Pôle Berhtram .
 0,3018 die habent brâht zwei tûsent manne .
 0,3019 nûtrâ hêre Dietrîch
 0,3020 nû entpfâch die hêrren lobelîche
 0,3021 ich weiz daz wole ez ist dir guot

0,3022 nû rihte dâr nâch dînen muot
0,3023 und erbiut ez wole den edelen degenen .
0,3024 si habent sich durch dich bewegen
0,3025 alles des in geschehen kan .”
0,3026 diu rede wart hier mit verlân
0,3027 vrô wart der hêrre Dietrîch
0,3028 er nam die recken alle ze sich
0,3029 als er entvâhen wolte .
0,3030 die recken als er solte .
0,3031 gebiten wart dâ niht mêr .
0,3032 von Berne der vürste hêr
0,3033 reit ûz der stat ze Berne
0,3034 dâ er di helde gerne .
0,3035 lieplîche entvâhen wolte
0,3036 ze rehte als er solte
0,3037 die werden Dietrîches man
0,3038 dâ von er vröuwede gewan .
0,3039 die küenen und die starken .
0,3040 die stuonten von den marken .
0,3041 hêrr Dietrîch lachente zuo in sprach .
0,3042 dô er si dort erbeizen sach .
0,3043 “nû sît gote willekomen und mir
0,3044 stolze recken ich wæne daz ir
0,3045 wellt nû retten mîniu lant .”
0,3046 mit gemeinem munde sprâchen si zehant
0,3047 “daz wirdet williclîche getân .
0,3048 wellt ir ez selbe grîfen an .
0,3049 wir helfen rechen iriu leit
0,3050 wir sîn iu alles des bereit
0,3051 und ze wendene iuweres landes nôt .
0,3052 oder wir geligen bî iu tôt
0,3053 dâr umbe zwîvelt niht ze wâr
0,3054 swanne ir wellt sô reitet dâr”
0,3055 die recken bat hêrr Dietrîch
0,3056 mitsamt im gên getriuwelîche
0,3057 ûf den hêrlîchen palas
0,3058 daz ezzen nû bereitet was
0,3059 über die tische si dô sâzen
0,3060 ire müede si vergâzen .
0,3061 ir wart vile hêrlîche gepflegen
0,3062 Wolvhart der starke degen .
0,3063 riet vaste ûf die reise
0,3064 ze rechenne die vreise .
0,3065 die Êrmrîch und sîne man
0,3066 im ze leide hêten getân .
0,3067 als man die tische gehuop
0,3068 sô man nâch ezzenne dicke tuot
0,3069 dô bat der Bernære .

0,3070 die küenen recken mære
0,3071 allentsament bereit sîn
0,3072 si tâten im mit triuwen schîne
0,3073 ire dienst schône überal
0,3074 diu kastelân vüre den sal .
0,3075 wâren mit einander komen
0,3076 die man ze der reise hæte ûz genomen
0,3077 ze rechenne wâren si bereit
0,3078 nû was über al die stat geseit .
0,3079 den jungen und den alten
0,3080 dem tumben und den balden
0,3081 wie der hêrre Dietrîch .
0,3082 den ungetriuwen Êrmrîch .
0,3083 mit stürmenne und mit strîtenne
0,3084 des tages wolte an rîten
0,3085 dô man diu mær gevereischet hât
0,3086 dô giengen al die vrouwen von der stat
0,3087 mit klagelîchem leide
0,3088 als ich iu nû bescheide .
0,3089 vüre des hoves porten .
0,3090 mit gelîchen worten .
0,3091 ieteslîchiu sprechen began .
0,3092 wider ire kint und zuo ire manne .
0,3093 “wem wellt ir uns lâzen”
0,3094 mit weinene solich unmâzen
0,3095 wart dâ sêre getân .
0,3096 beidiu von vrouwen und von mannen .
0,3097 ûf stuont selbe hêrre Dietrîch .
0,3098 “ist ieman hier den ich
0,3099 mit decheinem leide beswârt hân .
0,3100 der ruoche daz hiute durch got lân .
0,3101 ich en weiz niht” sprach der recke hêr
0,3102 “ob ir mich beschouwet iemer mêr”
0,3103 hier wart ein weinen unde ein klagen
0,3104 si sprâchen als ich iu wile sagen .
0,3105 “ir habet uns leides niht getân .
0,3106 got müeze iuch in sînem vride hân .”
0,3107 dô wart dâ ze stunte .
0,3108 von maniger vrouwen munde
0,3109 der segen vlîzicliche getân .
0,3110 die edelen Dietrîches man .
0,3111 hier mit langer niht en biten
0,3112 mit unverzagelîchen siten .
0,3113 rûmeten si dô Berne .
0,3114 si wolten rechen gerne .
0,3115 ire schaden und ire herzen leit
0,3116 si riten dannen als man seit
0,3117 ez was nû nâhen bî der naht

0,3118 si bâten got daz er in maht
0,3119 gæbe zuo ire swære .
0,3120 nû hoeret diser mære .
0,3121 diu ich iu nû tuon kunt .
0,3122 nû ahten wir an dirre stunt
0,3123 waz hêrr Dietrîch recken mohte hân
0,3124 dâ mit er Êrmrîch wolte bestân .
0,3125 daz wart geahet ûf den wegen .
0,3126 sehs recken min danne tûsent degene .
0,3127 der reise gâheten si vaste
0,3128 die mîle und die raste
0,3129 begunden si gâhen .
0,3130 unz daz si kômen sô nâhen
0,3131 daz si daz Êrmrîches her
0,3132 sâhen ligen mit starker wer .
0,3133 nû was ez komen an daz zil .
0,3134 als ich iuch hoeren lâzen wile .
0,3135 über den êrsten slâf oder baz
0,3136 si begunden alle trahten daz .
0,3137 wie si varen wolten
0,3138 oder hier mit tuon solten .
0,3139 dô sprach der recke Hiltebrant .
0,3140 “ich râte iu künige von roemisch lande
0,3141 daz ir daz iht wendet
0,3142 vile wunderbalde ir sendet
0,3143 iuwer boten al dâ hin .
0,3144 der in der mâze habe sin .
0,3145 der liut künne ahten .
0,3146 und ouch daz müge betrahten
0,3147 wâ wir si mit strite rennen an .”
0,3148 “daz wirdet gerne getân .”
0,3149 sprach der hêrr Dietrîch
0,3150 “nû sulet ir helde lobelich
0,3151 ahten mit vile rehter kûre
0,3152 wen wir ze boten senden vûre”
0,3153 dô sprach mit gewalte .
0,3154 Hiltebrant der alte
0,3155 “ich râte iu lieber hêrr mîn
0,3156 Volcnant und Erewîn
0,3157 daz dritte daz sî Helmschart .
0,3158 daz ir die sendet an die vart
0,3159 selp wile ich daz vierde sîn”
0,3160 “nû tuo lieber man mîn .”
0,3161 die edelen recken viere
0,3162 die nâmen harte schiere .
0,3163 die guoten meideme an die hant
0,3164 Hiltebranden dem was wole bekant .
0,3165 die stîge und ouch die strâze

0,3166 si riten in der mâze .
0,3167 zuo dem her sô nâhen
0,3168 daz si ire gelegenheit wole sâhen .
0,3169 michel was des heres schal
0,3170 si umbedrabeten daz wal .
0,3171 und ouch daz her allez gar
0,3172 si ersicherten reht vûre wâr .
0,3173 wâ si die stat vunten ..
0,3174 daz si bî den stunten .
0,5691 Ermrîch boten gâheten sêre
0,5692 si vermiten daz niht mêre
0,5693 si strichen vaste über lant .
0,5694 si tâten die hervart bekant
0,5695 vriunden unde gesten .
0,5696 si strichen von vesten ze vesten .
0,5697 und hiezen si komen in kurzer stunt
0,5698 und tâten endelîchen kunt
0,5699 wâ si Êrmrîchen .
0,5700 vunten sicherlîchen .
0,5701 hier mit disen sachen .
0,5702 begunden sich ûf machen .
0,5703 arm und rîche über al daz lant
0,5704 daz her daz seic alzehant
0,5705 reht gegen Brissân .
0,5706 dâ in hête hin kunt getân
0,5707 der mehtic küninc Êrmrîch
0,5708 daz her daz wart eislich
0,5709 und ouch diu grôze hervart
0,5710 daz nie decheine grôzer wart
0,5711 ûf roemischer erde
0,5712 sich sameneten dâ helde werde
0,5713 nû hoeret wie uns daz buoch las
0,5714 die wîl diu samenunge was
0,5715 vore der stat ze Brissân
0,5716 dô satzte sich wider Meilân
0,5717 und kêrten an den von Berne
0,5718 nû sulet ir hoeren gerne
0,5719 wer der stat gewaltic was
0,5720 ein herzoge der hiez Tîdas
0,5721 dem was diu stat undertân .
0,5722 der mohte wole mit vollen hân .
0,5723 tûsent recken ode baz
0,5724 rehte sulet ir wizzen daz .
0,5725 er was ein hôchgevriunder man .
0,5726 die helde ich wole genennen kan .
0,5727 die bî im wâren in der stat
0,5728 als man mir gesaget hât
0,5729 dâ was der starke Sabene

0,5730 und Vriderîch von Rabene .
0,5731 Berhther unde Starkan
0,5732 von Ôstervranken Herman
0,5733 und manic edeler helt balt .
0,5734 die ellenes hêten gewalt .
0,5735 die man niemer sach verzagen .
0,5736 die tâten manheit bî ire tagen .
0,5737 nû gêt ez an ein ahten
0,5738 ich sage iu daz betrahten .
0,5739 daz Tîdas tet und sîne man .
0,5740 er sprach “ir helde nû grîfet wider an
0,5741 und râtet hier zuo alle
0,5742 ob iz iu wole gevalle
0,5743 daz hôrte ich von iu gerne
0,5744 wen senden wir gegen Berne
0,5745 zuo mînem hêrren Dietrîch
0,5746 der im sage wærlîche
0,5747 daz wir an in gekêrt hân .
0,5748 mit der stat ze Meilân .
0,5749 und im sage endelîchen gar
0,5750 welle er wir komen dar
0,5751 trahtet wer der bote mûge sîn .
0,5752 der dem liebem hêrren mîn
0,5753 diu mæ̃r tuo kunt alzehant .”
0,5754 “ez ist nieman baz danne . Volcnant”
0,5755 sprach der herzoge Vriderîch .
0,5756 daz dûhte si guot algelîche
0,5757 Volcnant der versunnen .
0,5758 wart schiere dar gewunnen .
0,5759 im wart diu boteschaft geseit .
0,5760 des was Volcnant bereit
0,5761 wan er reit et vile gerne
0,5762 die reise gegen Berne
0,5763 snelle er gevertiget wart .
0,5764 von Meilân ûf die vart .
0,5765 er kunde die rehten mâze .
0,5766 er vermeit alle strâze .
0,5767 und streich die wilde über lant .
0,5768 vaste gâhete Volcnant .
0,5769 der reise er sich gar bewac .
0,5770 er streich unz an den vûnften tac
0,5771 er lie sich niendert . ûf haben .
0,5772 unz reht ze Berne ûf den graben
0,5773 swer im die wîl wider reit
0,5774 dem wart vile kleine geseit
0,5775 nû sulet ir hoeren sicherlîche
0,5776 in der vrist was Èrmrîch
0,5777 diu mæ̃r drâte kunt getân .

0,5778 daz wider in wær Meilân
0,5779 und rihtete sich gegen im ze wer
0,5780 dar kêrte er und daz starke her
0,5781 nû wile ich iuch wizzen lân
0,5782 wie Volcnant der küene man
0,5783 kunt tet dâ die mære
0,5784 dem edelem Bernære
0,5785 ein degen heizet Volcnant
0,5786 der kam ze Berne vüre gerant
0,5787 “nû wole ûf hêrre Dietrîch
0,5788 sêre riuwest dû mich
0,5789 dir hânt die Èrmrîches man .
0,5790 sô vile ze leide getân .
0,5791 si ligent ûf dîner marke
0,5792 si brennent dâ vile starke
0,5793 nû loese wîp unde kint
0,5794 die mit vile grôzen noeten sint
0,5795 nû wole ûf degen hêre .
0,5796 als liep dir sî dîn êre
0,5797 dû solt dâr umbe niht verzagen
0,5798 ich wile dir endelîchen sagen”
0,5799 sprach Volcnant zuo dem wahtære
0,5800 “nû wecke den Bernære
0,5801 dû sage dem unverzagetem manne
0,5802 er hât wider Meilân .”
0,5803 der wahtær gâhete in den sal .
0,5804 er rief daz iz lûte erhal .
0,5805 “wole ûf edel Dietmâres kint .
0,5806 boten an dem graben sint
0,5807 die sagent starkiu mære”
0,5808 dô wachete der Bernære
0,5809 und ouch die recken überal .
0,5810 die bî im lâgen ûf dem sal .
0,5811 man dâ wider man dranc
0,5812 a hî wie der Bernær spranc
0,5813 gegen der porte an daz tor
0,5814 dâ hielt der recke Volcnant vore
0,5815 diu porte wart balde ûf getân .
0,5816 Volcnant wart in verlân
0,5817 als in hêrr Dietrîch an gesach
0,5818 vroelîche er zuo im dâ sprach .
0,5819 “gote willekomen Volcnant”
0,5820 “genâde hêrre” sprach der wîgant
0,5821 “nû sît ouch ir gote willekomen
0,5822 wole mich daz ich hân vernomen
0,5823 iuwer stimme und iuweren munt
0,5824 daz ist mir ein sæligiu stunt”
0,5825 hêrr Dietrîch sprach “got lône dir

0,5826 hêrre Volcnant sage mir
0,5827 waz sint diu mæ̃r die dû sagest
0,5828 daz dû alsô sêre jagest
0,5829 daz diutet eteslich wunder .
0,5830 daz tuo uns kunt besunder”
0,5831 “hêrre ich hân iu mæ̃re brâht”
0,5832 hier wart swîgenes gedâht
0,5833 Volcnant huop ûf unde sagete
0,5834 dem edelen vûrsten unverzaget
0,5835 “hêrre ir habet wider Meilân .
0,5836 Tîdas und ander iuwer man .
0,5837 die sint alle dâr inne .
0,5838 nû merket in iuwerem sinne .
0,5839 waz si iu entboten hân .
0,5840 daz sage ich iu” sprach Volcnant .
0,5841 “vile guotlichen gar
0,5842 wellt ir si koment iu vûre wâr
0,5843 hêrre mîn von Berne
0,5844 nû sulet ir hoeren gerne
0,5845 waz si iu helfe bringent .
0,5846 vile sêre si an iuch dingent
0,5847 ich wile iu nennen wer si sint
0,5848 edel Dietmâres kint .
0,5849 nû kumet der starke Sabene .
0,5850 und Vriderîch von Rabene .
0,5851 Strîther unde Starkan
0,5852 und von Ôstervranken Herman .
0,5853 hêrr Stuotvuchs von Rîne
0,5854 von Metzen Ortwin .
0,5855 von Pôle mîn hêrr Berhtram .
0,5856 der kumet und hêrr Elsân .
0,5857 und der küene Sigebant
0,5858 Randolt und hêrr Schiltrant
0,5859 und der küene Sigheher .
0,5860 Ègenôt der kumet ouch her
0,5861 sô habet ir Wolvharten
0,5862 und den küenen Helmscharten .
0,5863 sô habet ir ouch bî iu Nêren
0,5864 ez welle denne got verkêren
0,5865 Amelolt und Alphart .
0,5866 die beide sint an dîner vart .
0,5867 Hildebrant unde Herebrant .
0,5868 die beide helde zehant
0,5869 die helfent dir vile starke
0,5870 ze rettenne dîne marke”
0,5871 in der zît dô daz geschach
0,5872 einen boten man dort her strîchen sach
0,5873 den hête vrouwe Helche gesant

0,5874 dem hêren Dietrîch in sîn lant
0,5875 dâr umbe daz er im sagete .
0,5876 und die wîl niht verzagete
0,5877 unz daz daz her quæme
0,5878 der bote der wart genæme
0,5879 der Bernær wart herzenvrô
0,5880 dô er den boten sach dô
0,5881 gegen im er vroelîchen gie .
0,5882 baz danne wole er in entvie
0,5883 “gote willekomen Baltram .
0,5884 sage an wâ hâs dû verlân .
0,5885 daz her von hiunisch marke”
0,5886 dô sprach Baltram der starke .
0,5887 “hêre die recken ziere
0,5888 die koment iu gewislîche schiere .
0,5889 dâr umbe sulet ir niht sorgen .
0,5890 ir sehet siu bînamen morgen .
0,5891 mit einem grôzem schalle
0,5892 hier ze Berne alle
0,5893 und wile iuch des niht verdagen .
0,5894 ich wile iu liebiu mære sagen .
0,5895 in der vrist und ir ritet danne .
0,5896 dô komen ahte werde man
0,5897 daz sî iu vûre wâr bekant
0,5898 die hât ouch iu vrouwe Helche gesant
0,5899 daz eine daz ist Liudegêr
0,5900 und Liudegast ein recke hêr
0,5901 die bringent iu die quecken wer .
0,5902 iu kumet von Lengers Walther
0,5903 und Hagene der vile starke
0,5904 und kumet von Bôlan ûz der marke
0,5905 Hornboge der mære
0,5906 vile edeler Bernære
0,5907 iu kumet Hiuzolt von Priuzen
0,5908 und Hertnît von Riuzen .
0,5909 von Antioch küninc Imîân
0,5910 und Gotel der marcman .
0,5911 hêr Îrinc und hêr Bloedelîn
0,5912 und von Elsentroye Erewîn
0,5913 Bitrolf der Stîrære .
0,5914 und Dietleip der mære
0,5915 sô bringet iu vile der schilde
0,5916 Rüedegêr der milte
0,5919 ez kumet von Kriechen hêr Dietrîch
0,5920 und von Lunders Helpfrîch
0,5921 die recken unverzeit
0,5922 die bringent schare bereite
0,5923 nû hoeret küninc von roemisch lande

0,5924 sô hât iu mîn vrouwe Helche gesant
 0,5925 vier und zweinzic tûsent man .
 0,5926 die sulet ir besunder von ir hân”
 0,5927 dirre starken mære .
 0,5928 was vrô der Bernære .
 0,5929 er beit kûme daz diu naht
 0,5930 den anderen tac brâhte
 0,5931 dô er den tac gelebete
 0,5932 der voget von Berne gebete
 0,5933 vile manigen meidem und marc
 0,5934 diu edelen kastelâne starc
 0,5935 gap er den edelen recken .
 0,5936 und manete sêre die quecken .
 0,5937 daz si im hulfen sîniu lant
 0,5938 retten mit ellenthafter hant
 0,5939 in der zît dô kômen mære .
 0,5940 “wole ûf hêrr Bernære .
 0,5941 und heizet rihten die burc ze wer
 0,5942 dort sîget her ein kreftic her”
 0,5943 dô sprach der starke Baltram .
 0,5944 “hêrre daz sint die Helchen man
 0,5945 die iu ze helfe sint gesant
 0,5946 daz ist mir wærlîche bekant
 0,5947 si sîgent vaste mit scharn hêr
 0,5948 die vanen vliegent entwer”
 0,5949 als daz hêrr Dietrîch hête vernomen
 0,5950 er sprach “die sîn gote willekomen
 0,5951 nû wole ûf helde vile gemeit .”
 0,5952 hêrr Dietrîch ûz der stat dô reit .
 0,5953 im volgeten vier hundert manne .
 0,5954 er wolte die geste wole entwâhen
 0,5955 nû habet ir hier mit wole vernomen
 0,5956 nû was ouch daz her komen
 0,5957 zuo der stat sô nâhen
 0,5958 daz si hêrr Dietrîch wolte entwâhen
 0,5959 dô sprach der marcgrâve Rüedegêr .
 0,5960 “dort rîtet des landes voget hêr .
 0,5961 nû erbeizet nider alle”
 0,5962 daz geschach mit einem schalle
 0,5963 hêrr Dietrîch unde sîne man .
 0,5964 die liefen lieplîchen an
 0,5965 die hôhen werden geste .
 0,5966 diu vrôuwede wart sô veste
 0,5967 beidenthalp zwischen in getân
 0,5968 dâ wart nieman ungegrüezet gelân
 0,5969 dâ herbergete man ûf daz velt .
 0,5970 man hiez dâ geben wider gelt
 0,5971 spîse trinken ungezalt

0,5972 der schal wart grôz manicvalt
 0,5973 si hêten kreftige maht
 0,5974 der liut den hort dar brâhte .
 0,5975 dô diu naht zuo steic
 0,5976 ein bote dort her über velt seic
 0,5977 den hête Jubart von Laterân .
 0,5978 dar gesant von Meilân
 0,5979 der sagete dem Bernære
 0,5980 diu starken niuwen mære
 0,5981 alsô der bote komen was
 0,5982 dô stuont er nider ûf daz gras
 0,5983 hêrr Dietrîch in dô wole entvie
 0,5984 dô dankete im der bote hier
 0,5985 er sprach “hêrre von Berne
 0,5986 wir sâhen iuch harte gerne
 0,5987 wir sîn et vaste besezen .
 0,5988 Èrmrîch der vermezen
 0,5989 der stürmet sêre alle tage
 0,5990 nû merket reht waz ich iu sage
 0,5991 ez sî iu liep oder zorn
 0,5992 komet ir niht sô habet ir verloren .
 0,5993 die stat und alle die dâr inne sint
 0,5994 man toetet wîp unde kint .
 0,5995 wir sîn vile gar nâch alle verzaget .
 0,5996 nû sî iu hêrre vûre war gesaget
 0,5997 swie dû verliusest Meilân .
 0,5998 des muost dû iemer schaden hân .”
 0,5999 “daz sulen wir vile wole bewarn .
 0,6000 sô sulen wir êr . dar varn .
 0,6001 und die stat dâ retten .
 0,6002 daz velt mit tôten betten
 0,6003 nû wole ûf mâge unde man .
 0,6004 und gedenket alle dâr an .
 0,6005 daz ir mir triuwe habet gegeben .
 0,6006 swer durch mich êre unde leben
 0,6007 hiute wâget in dirre nôt .
 0,6008 umbe den diene ich ez unz an mînen tôt”
 0,6009 dô sprach der marcgrâve Ruedegêr
 0,6010 “wir sîn umbe daz bekommen her
 0,6011 ich und mîne gesellen .
 0,6012 daz wir wâgen wellen
 0,6013 beidiu lîp unde guot .
 0,6014 durch dich vürste hôchgemuot
 0,6015 nû ahte daz helt Dietrîch
 0,6016 edel küninc von roemisch rîche
 0,6017 daz ist dir ouch daz bezziste
 0,6018 wie dû lâzest dîne veste”
 0,6019 “daz hân ich geahet schiere”

0,6020 sprach von Berne der ziere
0,6021 “hier ze Berne wile bestân
0,6022 Starcher unde Elsân
0,6023 und ouch ire helfære”
0,6024 sprach der Bernære
0,6025 “an die wir uns mügen lâzen
0,6026 ûf stîgen und ûf strâzen”
0,6027 daz wart hier mit snelle getân .
0,6028 Wolvhart der küene man .
0,6029 sprach als ein unverzageter degen
0,6030 “wir solten stunt sîn after wegen .
0,6031 zuo den vîanden ûf daz wal
0,6032 rotieret iuch helde überal .
0,6033 und vröuwet iuch dirre vreise
0,6034 wir komen Êrmrîch ze vreise”
0,6035 dâ mit daz her was bereit .
0,6036 hier mit man niht langer beit
0,6037 den vanen hiez hêrr Dietrîch .
0,6038 der dâ hoert ze roemisch rîche
0,6039 vile balde ane binden .
0,6040 “nû lâz uns got vinden
0,6041 die vîande ze rechter lâge
0,6042 a hî wie ich ez dâ wâge”
0,6043 sprach der starke Wolvhart
0,6044 “si werdent kleine gespart .
0,6045 nûtrâ helde lobesam .
0,6046 ich meine die Êrmrîches man
0,6047 nû houwet in tiefe wunden
0,6048 die niemer mêt gebunden
0,6049 werden unz an den lezzesten tac
0,6050 ich sol ez dâ schaffen ob ich mac
0,6051 daz muoter kint beweinen muoz
0,6052 wir machen in lebenes mit tôde buoz
0,6053 ich geriche mînen smerzen .
0,6054 ez lît in mînem herzen
0,6055 diu grôz untriuwe und ouch der rât .
0,6056 den er uns lange getân hât”
0,6057 nû lâzen wir diu mære stân .
0,6058 daz her seic gegen Meilân
0,6059 über velt und über lant
0,6060 in was diu strâze wole erkant
0,6061 si zogeten müeziclichen .
0,6062 der küninc von roemisch rîchen .
0,6063 der trôste den sînen wole ire muot
0,6064 “verzaget niht edele helde guot
0,6065 geloubet mir diu mære”
0,6066 sprach der Bernære
0,6067 “wir bejagen bînamen êre

0,6068 des wir iemer mêre
0,6069 haben vrume die wîl wir leben
0,6070 ich wile iu mîne triuwe geben”
0,6071 sprach der voget von Berne
0,6072 “swer mir hilfet gerne .
0,6073 dem tuon ich daz guot
0,6074 des sich vrôuwet wole sîn muot”
0,6075 dâ wart vile trahtenes getân
0,6076 unz daz daz her lobesam
0,6077 ze Meilân komen was sô nâch
0,6078 daz man die vîande ligen sach
0,6079 daz was reht an dem ahtodem tage
0,6080 nû merket eben waz ich iu sage
0,6081 der tac gescheiden was von dannen
0,6082 diu naht begunde slîchen an .
0,6083 nû solt ir hoeren gerne
0,6084 daz starke her von Berne
0,6085 herberget nider ûf daz velt
0,6086 dâ hebet sich der widergelt
0,6087 mit grimme und mit zorne
0,6088 die recken ûzerkorene .
0,6089 die lûteten sich mit schalle
0,6090 ob ez iu wole gevalle
0,6091 sô ruochet vernemen an dirre zît .
0,6092 wie sich hebe der strît
0,6093 daz wile ich iuch wizzen lân
0,6094 als ich ez reht vernomen hân .
0,6095 dô wart des niht vergezzen .
0,6096 als man hête gemezzen
0,6097 hier wart gesetzet an den rât
0,6098 die hoehesten die hêrr Dietrîch hât
0,6099 mit im brâht an den strît
0,6100 die rieten alle in der zît
0,6101 “edele voget von Berne
0,6102 nû hôrten wir alle gerne
0,6103 wie wir tuon wolten
0,6104 oder wie wir varen solten
0,6105 hier zuo hoeret wîser rât
0,6106 Êrmrîch mehtic her hier hât”
0,6107 dô sprach der hêrr Dietrîch
0,6108 “swie ir nû râtet algelîche
0,6109 alsô var ich” sprach der helt guot
0,6110 Ruedegêr der hôchgemuot
0,6111 der getriuwe und der gewære
0,6112 der riet dem Bernære
0,6113 “mich diuhte guot küninc von roemisch lande
0,6114 daz ir boten sendet alzehant
0,6115 zuo dem Êrmrîches her

0,6116 die betrahten künnen alle ire wer
0,6117 und uns sagen ire gelegenheit”
0,6118 sprach Rüedegêr der unverzeit
0,6119 im antwurtete von Berne der hôchgemuot
0,6120 er sprach “uns sî dâr zuo guot
0,6121 die heize ich iezuo rîten vûre
0,6122 die betrahten mit rehter kûre
0,6123 daz ez uns mac ze vrume gestân
0,6124 wederthalp wir si rennen an
0,6125 noch hînaht umbe mitte naht
0,6126 mir ist gesaget si haben maht
0,6127 sô michel und sô starke
0,6128 daz wir in ûf der marke
0,6129 niht tûren widerrîten
0,6130 wir mûgen ouch niht gestrîten
0,6131 mit in offendlîchen .
0,6132 iz ist mit Êrmrîchen .
0,6133 wole zwelif vûrsten her bekommen
0,6134 daz ich wærlîche hân vernomen”
0,6135 “daz ist niht ein wunder
0,6136 ir gelît deste mêr under”
0,6137 sprach der starke Wolvhart .
0,6138 “mir geliebet nie dechein vart
0,6139 sô vaste in mînem muote
0,6140 got vûege mir ez ze guote”
0,6141 nû wart ûz dem her genomen
0,6142 die vûre ûf die wart solten komen
0,6143 daz eine daz was Volcnant
0,6144 daz ander hêrr Sigebant
0,6145 Hiltebrant was daz dritte
0,6146 ze hoerenne ich iuch bite
0,6147 daz vierde daz was Nêre
0,6148 nâch Hiltebrandes lêre
0,6149 kêrten si eine strâze
0,6150 si kômen in der mâze
0,6151 zuo dem her ûf einen lê .
0,6152 “ir helde nû sprechet niht mêr .”
0,6153 sprach der recke Hiltebrant
0,6154 “nû lûzenet ebene zehant
0,6155 ob ieman an uns rîte
0,6156 daz wir uns gein dem strîte
0,6157 . êr . gerihten daz ist guot”
0,6158 des volgeten im die helde hôchgemuot
0,6159 dô si alsô hielten dâ
0,6160 vile schier dô sâhen si sâr
0,6161 wole tûsent viure brinnen
0,6162 und dâr umbe winnen
0,6163 die liute sam si tobeten

0,6164 die küenen hôchgelobeten
0,6165 ich meinen die Dietriches man
0,6166 ieteslicher wünschen began
0,6167 “ô wê voget von roemisch lande
0,6168 wærest dû nû hier alzehant
0,6169 dû und dâr nâch alle dîne man
0,6170 sô muosten wir die vîande an .
0,6171 endelichen rîten”
0,6172 dô sprach an den zîten
0,6173 der unverzagete Hiltebrant
0,6174 “daz widerriet ich alzehant
0,6175 si tuont ez uns lîhte ze sehenne .
0,6176 wir sulen . êr . vile eben spehen
0,6177 wes si sich dort rihten .
0,6178 nû sulen wir uns pflihten .
0,6179 mit getriuwelîchem muote
0,6180 daz râte ich” sprach der guote
0,6181 “ob uns ieman an rîte
0,6182 der lîht mit uns strîte
0,6183 sô hûeten daz wir bî einander gestên”
0,6184 Nêre sprach “daz sol ergên .”
0,6185 die küenen und die starken
0,6186 die gurten vaste ire marken
0,6187 si begunden rîten hin zuo baz
0,6188 si wâren ire muotes niht ze laz
0,6189 si sâhen daz daz starke her .
0,6190 ungewarnet lac und âne wer
0,6191 Hiltebrant noch mêre sach
0,6192 si schuofen in dâ guot gemach
0,6193 si begunden sich entpfetten
0,6194 dise sâzen ûf den betten .
0,6195 jene huoben dort grôzen schal .
0,6196 sô vermâzen sich die überal .
0,6197 waz si wonders wolten begân .
0,6198 sô si die vîande sâhen an
0,6199 ditz hôrte allez Hiltebrant
0,6200 zuo den sînen sprach er alzehant
0,6201 “wir haben die gelegenheit
0,6202 hier gesehen vile bereite .
0,6203 nû sulen wir vûrebaz rîten .
0,6204 und hier niht langer bîten .
0,6205 und sehen ob sich daz her
0,6206 alswâ iener rihte ze wer”
0,6207 si rîten neben dem her nider
0,6208 als ez in kam ze guote sider
0,6209 si bekômen an eine stat
0,6210 als mir daz buoch gesaget hât
0,6211 dâ begunden sich mit sachen

0,6212 heimelîchen ûf machen
0,6213 vile nâhen zweinzic tûsent man
0,6214 die bezzisten die Êrmrîch mohte hân
0,6215 über al dise degene
0,6216 was ze houbetmanne gewegen
0,6217 hêrr Witege und hêrr Wate
0,6218 ditz was geschehen mit râte
0,6219 Hiltebrant hôrte allez ire trahten .
0,6220 wie si ez begunden ahten .
0,6221 er hôrte ouch wie hêrr Witege sprach
0,6222 “nû lât iu sîn niht ze gâch
0,6223 und werdet enein vile rehte
0,6224 ir recken und ir knehte
0,6225 ze welicher zît wir an si komen
0,6226 daz hête ich gerne vernomen”
0,6227 Wate sprach “daz wile ich iu sagen
0,6228 . êr . iz morgen welle tagen
0,6229 sô sulen wir rehte bî in sîn
0,6230 . ê daz der liehte sunnenschîn
0,6231 liuhtet und der schoene tac
0,6232 sô ist geschehen swaz ergên mac
0,6233 ich weiz wole daz dâ schade geschihet .
0,6234 want si wizzen unser niht
0,6235 si hânt sêre gestrichen .
0,6236 in ist noch unentwichen .
0,6237 diu müede sicherlîche
0,6238 nû sulet ir helde ellenes rîche
0,6239 dâr umbe decheine sorge hân .
0,6240 wir gesigen in endelîchen an .”
0,6241 wie ez allez ist bekommen
0,6242 daz hât nû Hiltebrant vernomen
0,6243 ze sînen geverten er dô sprach .
0,6244 “nû sol uns wider wesen gâch”
0,6245 bî dem her si niht mêre bîten .
0,6246 si kômen balde geriten .
0,6247 zuo ire her alzehant
0,6248 dâ si den küninc von roemisch lande .
0,6249 mit schalle dô vuntun
0,6250 si giengen bî den stunten
0,6251 vüre den Bernære
0,6252 vile manic recke mære
0,6253 sach si dâ vile gerne
0,6254 alsô tete ouch der von Berne
0,6255 dô si hêrr Dietrîch ane sach
0,6256 nû sulet ir hoeren wie er sprach
0,6257 “nû sît willekomen mir
0,6258 nû edele helde wie habet ir
0,6259 getrahtet unser reise

0,6260 mügen aber wir unser vreise
 0,6261 an Êrmrîch iener gerechen ."
 0,6262 dô begunde zehant sprechen
 0,6263 der unverzagete Hiltebrant
 0,6264 "ich râte iu küninc von roemisch lande
 0,6265 vile rîcher küninc hôchgemuot
 0,6266 ez kumet iu niht ze guote
 0,6267 bestêt ir Êrmrîchen
 0,6268 sô müezet ir im entwîchen .
 0,6269 er hât iemer wole drîzic man
 0,6270 ûf unser einen wile dû ez verstân"
 0,6271 ditze was Wolvharten leit
 0,6272 mit zorne sprach der helt gemeit
 0,6273 "hêrre von Berne ditz ist niht wâr
 0,6274 wan si nie bekômen dar
 0,6275 noch gesâhen ouch die vîande nie"
 0,6276 Hiltebrant der sprach hier
 0,6277 "hêrre von Berne gehabet iuch wole
 0,6278 guotiu mæ r ich iu sagen sol
 0,6279 nû heizet lieber hêrre mîn
 0,6280 alle die bereit sîn
 0,6281 die ir mit iu müget hân .
 0,6282 ez wellent die Êrmrîches man .
 0,6283 bînamen mit uns strîten .
 0,6284 und in die herberge rîten .
 0,6285 wande ich bin allez bî in gewesen
 0,6286 si hânt alle die ûz gelesen .
 0,6287 die tiuresten di si mügen hân
 0,6288 und ist Wate houbetman .
 0,6289 und hêrr Witege der degen"
 0,6290 dô sprach von Berne der bewegen
 0,6291 "jâ hêrre wie vile mac ir sîn ."
 0,6292 er sprach "daz tuon ich iu schîn
 0,6293 zweinzic tûsent ist ir niht baz
 0,6294 die bringent si her wîzet daz ."
 0,6295 "nû schaffet ez" sô sprach Hiltebrant
 0,6296 . "si rîtent uns reht in die hant"
 0,6297 vrô wart der Bernære
 0,6298 er bat die recken mære
 0,6299 "nû trahtet wie ez iuch dunket guot"
 0,6300 Rüedegêr sprach "nû tuot
 0,6303 wellt ir nû êre gewinnen
 0,6304 sô trahtet in iuweren sinnen .
 0,6304a der uns ze staten mac gestân
 0,6304b wir sulen zweinzic tûsent man .
 0,6304c schicken an disen zîten
 0,6304d si sulen schlehtes rîten .
 0,6304e in die herberge Êrmrîchen

0,6304f sô haben wir volliclichen
0,6304g unseren muot verendet
0,6304h und wirdet Êrmrîch geschendet
0,6304i ouch vûeget uns got lîhte ze heile
0,6304j daz uns wirdet ze teile
0,6304k der ungetriuwe Êrmrîch”
0,6304l hêrre mîn hêrr Dietrîch
0,6305 daz ir mit williger kûre
0,6306 zweinzic tûsent sendet vûre
0,6307 die sich legen in ein huote
0,6308 und gebietet den helden guot
0,6309 daz si sô lange dâ bîten
0,6310 unz daz si sehen rîten
0,6311 die vîande mit gewalte
0,6312 und bitet die recken balde
0,6313 daz si in der huote sô lange bîten
0,6314 und sô wir danne hier gestrîten
0,6315 sô sulen die nôtvesten .
0,6316 hinde ûf die vîande bresten
0,6317 sô sint si zwischen unser schar
0,6318 sô entwûrken wir si schiere gar
0,6319 sô ist iz umbe si ergangen
0,6320 geslagen und gevangen
0,6321 werdent die Êrmrîches man
0,6322 sô ist iz uns wole ergân
0,6323 in der zît was Alphart komen
0,6324 als ich vûre wâr hân vernomen
0,6325 und an den buochen gelesen .
0,6326 der was ouch bî den vîanden gewesen .
0,6327 und hête ire gelegenheit gesehen .
0,6328 und ouch die stat eben gespehen
0,6329 wâ man die vîande an rîte
0,6330 und âne sorge mit in strîte
0,6331 als in gesach Dietmâres zart
0,6332 er sprach “gote willekomen Alphart .”
0,6333 “genâde hêrre von Berne
0,6334 wellt ir gewinnen gerne
0,6335 beidiu vrume und êre
0,6336 sô sûmet iuch nû niht mêre
0,6337 ez lît allez Êrmrîches her
0,6338 ungewarnet âne wer”
0,6339 hêrr Alphart im dô alsô riet
0,6340 dâ mit Êrmrîch von êren schiet
0,6341 “wir sulen mit ellenes hende
0,6342 an rennen daz her an einem ende
0,6343 durch nôt rôument si uns die stat
0,6344 mit swerten houwen wir ein pfat
0,6345 wir mûgen harte wole gesigen .

0,6346 si lâzent guot und êre ligen .
0,6347 sô haben wir unsern degen
0,6348 des goldes vile ze wegenne .
0,6349 daz râte ich” sprach der guote
0,6350 “sô hâs dû nâch dînem muote
0,6351 dînen willen wole getân .
0,6352 und lâst dû iz alsô ergân .
0,6353 wir toeten si âne allen schaden
0,6354 alle die Êrmrîch hât her geladen
0,6355 die vâhen wir” sprach der helt balt
0,6356 “sô kumet wider in dîn gewalt
0,6357 swaz er dir hât betwungen an .”
0,6358 dô sprach der milte marcman .
0,6359 “ditz ist der allerbezziste rât
0,6360 den ieman hier getân hât .
0,6361 nû sehet wie wole ez uns ist komen
0,6362 nû wirdet Êrmrîch beide genomen
0,6363 liute guot und êre .
0,6364 waz wellen wir danne mêre
0,6365 sô ez uns wole ergangen ist
0,6366 nû râte ich den allerbezzisten list
0,6367 der uns ze staten wole mac stân .
0,6368 daz wir gevangen vûeren danne .
0,6369 dînen veter Êrmrîch”
0,6378 dô sprach der hêrre Dietrîch
0,6379 “nû vûege iz got durch sînen tôt
0,6380 sô würde alliu mîn nôt
0,6381 verendet sicherlîchen
0,6382 geviengen wir Êrmrîchen”
0,6383 nû wart hier mit geahet
0,6384 und allez slehte betrachtet
0,6385 zweinzic tûsent helde guot
0,6386 wurden geleit in die huote
0,6387 daz was ungewendet
0,6388 die helde wurden gesendet
0,6389 zuo dem her an die stat .
0,6390 daz was Rüedegêres rât .
0,6391 dô wurden zweinzic tûsent man
0,6392 ûf dem wale hier verlân
0,6393 “nû trahtet” sprach hêrr Rüedegêr
0,6394 von Berne hôher vürste hêr
0,6395 “wen schaffet ir ze houbetmanne .
0,6396 die daz her dort rîten an .”
0,6397 “wellt ir daz wile ich selbe sîn
0,6398 diu reise ist billîchen mîn”
0,6399 sprach der voget von Berne
0,6400 “wan iz tuot nieman sô gerne”
0,6401 dâ mit muoz iuwer got pflegen .

0,6402 und habe ouch mich in sînem segene .
0,6403 “und helfe mir got” sprach Dietrich
0,6404 “daz wir einander vroelich
0,6405 vinden unde müezen sehen
0,6406 got lâze uns vile wole geschehen .”
0,6407 “daz vüege got” sprach Rüedegêr
0,6408 dô wart gebiten niht mêr
0,6409 einen vanen Dietrich an gebant
0,6410 und vuorte in selp in sîner hant
0,6411 über heide strichen si dâ hin
0,6412 si wolten werben umbe gewin
0,6413 alsô die helde mære
0,6414 mitsamt dem Bernære
0,6415 bekômen in des strîtes zil
0,6416 nû hoeret waz ich iu sagen wile .
0,6417 dâ gurten si den marken
0,6418 die küenen und die starken
0,6419 die sâzen ûf ire kastelânen
0,6420 Wolvhart sprechen began
0,6421 “nû vröuwet iuch helde guote
0,6422 wir sulen in mannes bluote
0,6423 waten unz über die sporen
0,6424 ir küenen recken ûzerkoren
0,6425 diu sper sulen wir verstecken
0,6426 unser leit an in gerechen
0,6427 wir machen setel lære
0,6428 ir edele helde mære
0,6429 wir sulen ez alsô schaffen .
0,6430 daz leien unde pfaffen
0,6431 von dirre vreise mær sagen
0,6432 als iz noch hiute welle tagen
0,6433 daz man sô vile der tôten
0,6434 dâr vinde nider schrôten
0,6435 sô vröuwet sich mîn herze
0,6436 und endet sich mîn smerze
0,6437 a hî waz vröuweden mir geschihet
0,6438 swenne noch hiute mîn ouge an sihet
0,6439 daz sich die gîr und die raben
0,6440 mit dem bluote müezen laben
0,6441 nû wole ûf edele helde starc
0,6442 und sitzet ûf diu guoten marc”
0,6443 daz geschach alzehant .
0,6444 si zogeten under schildes rant
0,6445 zuo den vîanden über heide wît
0,6446 “nû wær bûhurdierenes zît”
0,6447 alsô Wolvhart daz geschach
0,6448 nû hoeret wie daz geschach
0,6449 daz treip ouch der von Berne

0,6450 des wâren hülfc im vile gerne
0,6451 die sînen die dâ mit im riten
0,6452 hier wart langer niht vermiten
0,6453 si hêten sich ze vier scharen geslagen
0,6454 ich wile iu endelîchen sagen
0,6455 si brâsten mit ire mehtic wer
0,6456 an einem orte in daz her .
0,6457 alsô daz dô geschach
0,6458 daz man in daz her brach
0,6459 dô wart michel der schal
0,6460 hêrr Dietrîch schrei daz ez erhal
0,6461 “ach schevalier Berne”
0,6462 daz hôrten vile ungerne
0,6463 alle Êrmrîches man
0,6464 sich rihte ze wer nieman
0,6465 wande si hêten der wîle niht
0,6466 des noch harte vile geschihet .
0,6467 des wart schade dâ grôz genomen
0,6468 si liezen nieman hin komen .
0,6469 die edelen Dietrîches degene
0,6470 die begunden starkes strîtes pflegen
0,6471 si sluogen si stâchen
0,6472 ire leit si vaste râchen
0,6473 si entworhten helde guote
0,6474 Wolvhart der hôchgemuote
0,6475 schrê als ein wüetenter man .
0,6476 “nû lât genesen nieman
0,6477 swaz ir der Êrmrîches vindet
0,6478 niemer ir erwindet
0,6479 ir slahet si alle gelîche
0,6480 wir sulen an Êrmrîche
0,6481 hiute rechen unser leit
0,6482 daz manic vrouwe her nâch kleit”
0,6483 dâ was nôt und ungemach
0,6484 in der zît man dort her komen sach
0,6485 Strîtheren von Tuskân
0,6486 dem volgeten zwei tûsent manne
0,6487 under helme und in halsbergen
0,6488 den wilden getwergen
0,6489 vuoren si vile nâch gelîche
0,6490 mit ellene sicherlîche
0,6491 si vuorten kolben unde swert .
0,6492 “daz sint der mîn herze gert”
0,6493 sprach der edele Bernære
0,6494 “nû zuoze in helde mære”
0,6495 dâ wart ein dar rücken
0,6496 dâ huop sich ein zücken
0,6497 die scharpfen gêrn mit handen .

0,6498 zesamene si geranten
0,6499 die sper si verstâchen .
0,6500 die Êrmrîches râchen
0,6501 ire leit an den von Berne
0,6502 si wolten retten gerne
0,6503 ire hêrren êre und ire guot
0,6504 dâ kômen zesamene die hôchgemuot
0,6505 der sturm vaste gie entwer
0,6506 man sach vliegen manigen gêr
0,6507 über helm gegen den lûften .
0,6508 dâ wâren komen mit guften .
0,6509 zesamene helde vile guote
0,6510 mit grimmiclîchem muote
0,6511 der sturm und der starke strît
0,6512 der werte unz ûf vruoimbîzzît .
0,6513 daz velt und daz breite wal .
0,6514 daz ran mit bluote überal .
0,6515 si vâhten grimmiclîche .
0,6516 beidenthalp gelîche
0,6517 dâ was wan ach unde nôt
0,6518 daz . êr was grüene dâ wart iz rôt
0,6519 von maniges mannes bluote
0,6520 dâ sturben helde guote
0,6521 daz starc Êrmrîches her
0,6522 des kôm vile wênic iht ze wer
0,6523 âne Strîther von Tuskân .
0,6524 und von Spôlît Tûrîân .
0,6525 und Heime der mære
0,6526 die drîe vürsten lobebære
0,6527 die vuorten sehs tûsent man .
0,6528 die werten daz wal und den plân
0,6529 sô rehte vreislîchen .
0,6530 die vrûmeten Dietrîchen .
0,6531 vile manigen kreftigen schaden
0,6532 dâ was kraft überladen .
0,6533 beidenthalp si sich werten .
0,6534 ûf die helme si dâ berten
0,6535 daz bluot durch die hersenier spranc
0,6536 in die köpfe dâr – erklanc
0,6537 vile manic bitterlîcher slac
0,6538 sich klubten die helme unz in den nac
0,6539 man sach dâ bresten den harten stâl .
0,6540 die von swerten gewonnen nie mâl
0,6541 die wurden des tages verschert
0,6542 ich meine die brünnen hert
0,6543 dâ durch wurden wunden geslagen .
0,6544 ich wile iu noch mêre sagen
0,6545 ô wê welich nôt dâ ergie

0,6546 man hôrte die wê schreien hier
0,6547 si genuogte des strîtes niht ouch .
0,6548 der dunst ûz ire lîbe rouch
0,6549 gelîche in der gebære
0,6550 sam ob ein walt wære
0,6551 gezündet an mit viur
0,6552 si gulten harte tiur
0,6553 den solt mit tôdes ende
0,6554 umbe disen mort got schende
0,6555 den küninc Êrmrîchen
0,6556 des wünsche ich herzelîchen
0,9233 daz velt berge unde tal
0,9234 allez von ire slegen hal
0,9235 von Alzei hêrr Wolvgêr
0,9236 und Wolvhart der recke hêr
0,9237 die wâren zuo einander komen
0,9238 nû habet ir êr wole vernomen
0,9239 die wâren küene beide
0,9240 sich huop ûf der heide
0,9241 ein sturm vreisliche
0,9242 von Lunders Helpfrîche
0,9243 den bestuont der starke Ladimer
0,9244 von Lengers Walther
0,9245 der bestuont den starken Hiuzolt
0,9246 si arnten alsô daz golt
0,9247 daz ez si sûr muoste an komen
0,9248 nû hân ich ouch daz wole vernomen
0,9249 mit wem hêrr Dietleip dâ streit
0,9250 daz hât man mir wole geseit
0,9251 den hête Heime bestân
0,9252 alsô was man wider manne
0,9253 an dem strîte gewegen
0,9254 dâ wart sturmes gepflegen
0,9255 von morgen es unz ûf mittentac
0,9256 wer sigelôs dâ gelac
0,9257 daz wile ich iuch wîzen lân
0,9258 daz was Gunther und sîne man
0,9259 was daz niht ein michel nôt
0,9260 die zweinzic tûsent lâgen tât
0,9261 des küniges Guntheres man
0,9262 der kôm nie decheiner danne
0,9263 niuwan zwêne und drîzic
0,9264 Wolvhart was des vlîzic
0,9265 daz ouch die wâren dâ erslagen
0,9266 nû hoeren wir daz buoch sagen
0,9267 vlühtic wart Gunther der rîche
0,9268 ab dem wal vore Dietrîche
0,9269 des küniges Guntheres man

0,9270 die hêten grôzen schaden getân
0,9271 an den hiunen ûf dem wal
0,9272 ich hân ez lâzen ûz der zal
0,9273 daz ich iz niemer tar gesagen
0,9274 sô vile als ir dâ wart erslagen
0,9275 nû sehet welich nôt dâ was
0,9276 daz velt bluomen unde gras
0,9277 überal von bluote ran .
0,9278 man sach die güsse enouwe gân
0,9279 sam von regene tuot ein bach
0,9280 die tôten nieman vore bluote sach
0,9281 als Gunther ab dem wal entran
0,9282 und der von Berne den sige genam
0,9283 in der zît was ouch komen
0,9284 als ich vüre wâr hân vernomen
0,9285 Diezolt von Gruonelant
0,9286 einen vanen vuorte er in der hant
0,9287 der was überal rôet
0,9288 der helt sich ze sturme bôt
0,9289 under sînem vanen breit
0,9290 ahte tûsent recken gemeit
0,9291 zogeten under schilde
0,9292 ob iuch des niht bevilete
0,9293 sô sagete ich iu mêre
0,9294 dâr nâch ein recke hêre
0,9295 zogete her mit einem vanen
0,9296 der daz niht wolte vermanen
0,9297 er muoste komen in den strîet
0,9298 nû hoeret an dirre zît
0,9299 wie der selbe was genant
0,9300 Sturmgêr von Îslant
0,9301 dem volgeten sehs tûsent man
0,9302 vüre wâr ich daz vernomen hân
0,9303 daz wâren recken zuo ire hant
0,9304 die man dâ heizet wîgant
0,9305 daz mohten wole die selbe sîn .
0,9306 ô wê daz tâten si dâ schîn
0,9307 mit maniger vreislicher tât
0,9308 daz buoch mir gesaget hât
0,9309 daz wâren sturmgîten
0,9310 in allen herten strîten
0,9311 die vierzehen tûsent recken starc
0,9312 die vuorten als manic verdahtez marc
0,9313 mit hertem stâle wole bedaht
0,9314 sich huop ein strîet vore der naht
0,9315 der iemer mêr ist wole ze klagenne
0,9316 von in wart manic recke erslagen
0,9317 si kêren ez an . an einem orte

0,9318 dâ geschach sô kreftigez mort
0,9319 an liuten allenthalben
0,9320 die von allen salben
0,9321 niemer mêr wurden heil
0,9322 dâ ergie ein urteil
0,9323 dâ von man iemer sagen muoz
0,9324 dâ wart mit tôde lebeses buoz
0,9325 gegen den vierzehen tûsent mannen
0,9326 kôm Tîdas von Meilân
0,9327 mit einer starken rote geriten
0,9328 nû vernemet mit guoten siten
0,9329 der wolte helfen gerne
0,9330 sînem hêrren von Berne
0,9331 jene vierzehen tûsent man
0,9332 die hôrten Êrmrîchen an
0,9333 hêrr Tîdas der guote
0,9334 der küene hôchgemuote
0,9335 mit dem zogeten siben schar
0,9336 ieteslîcher schar daz ist wâr
0,9337 wâren zwei tûsent degene
0,9338 die torsten manheite wole pflegen
0,9339 in strîte ze allen stunten
0,9340 niht langer si erwunden
0,9341 si triben diu ors mit grimme dar
0,9342 veste was Tîdas schar
0,9343 als wâren ouch jene her engegene
0,9344 dâ kômen zesamene quecke degene
0,9345 hêrr Tîdas von Meilân
0,9346 der manete alle sîne man
0,9347 “verzaget niht helde alle”
0,9348 den puneiz mit schalle
0,9349 huoben si dar . unde her
0,9350 in was zesamene harte ger
0,9351 daz grimme viur als ein loup
0,9352 ûz den huofisenen stoup
0,9353 an einander brâchen die schar
0,9354 mit starken slegen daz ist wâr
0,9355 ûf die helme si sluogen
0,9356 nîtlîche si truogen
0,9357 diu swert in den henden
0,9358 der sturm ze allen enden
0,9359 wart als ein turnei
0,9360 “ach . unde wê .” dâ maniger schrei
0,9361 den der grimme tôt twanc
0,9362 daz hirn ûz den köpfen spranc
0,9363 iz mohte got erbarmet hân
0,9364 daz bluot an den swerten ran
0,9365 in die hende nider ze tal

0,9366 die helme vielen âne zal
0,9367 als tâten ouch die schilde
0,9368 getunget daz gevilde
0,9369 wart mit tôten überal
0,9370 dâ was von slegen solich schal
0,9371 daz nieman mohte gehoeren
0,9372 daz grimmelîche stoeren
0,9373 daz si an einander tâten
0,9374 manigen diu rosse trâten
0,9375 der wole langer mohte leben
0,9376 dâ wart der solt alsô gegeben
0,9377 mit tiefen wunden wîten
0,9378 daz maniger muoz erbîten
0,9379 des jungesten urteiles
0,9380 ô wê des unheiles
0,9381 daz Êrmrîch ie wart geboren
0,9382 alle die dâ wurden verloren
0,9383 daz geschach von sînen schulden .
0,9384 des ist er von gotes hulden
0,9385 gescheiden iemer mêre
0,9386 ez en hête niht widerkêre
0,9387 ûf dem wal dannoch
0,9388 der strît der werte iedoch
0,9389 von mittem tage unz an die naht
0,9390 der ez dâ ûz den sorgen vaht
0,9391 daz was et allez Wolvhart
0,9392 Nere unde Helmschart
0,9393 dô diu naht zuo seic
0,9394 Wolvhart dannoch nie gesweich
0,9395 in dem herten strîte
0,9396 vaste rief der sturmgîte
0,9397 als ein wüetender man .
0,9398 “lât ir helde et dar gân
0,9399 und lâzet nieman genesen
0,9400 iz muoz ire urteil hier wesen
0,9401 wir sulen ouch niht langer leben”
0,9402 ez wart niemanne vride gegeben
0,9403 jungen noch den alten
0,9404 dâ ergrimmeten die balden
0,9405 die starken die ræzen .
0,9406 und ouch die widersæzen .
0,9407 si sluogen si stâchen
0,9408 ire leit si vaste râchen
0,9409 mit grimmigem muote
0,9410 ez wart nie helm sô guote
0,9411 ode er spielt sich von den slegen
0,9412 beidenthalp vielen die degene
0,9413 tôte nider ûf daz lant

0,9414 und wart iu dechein snê bekant
0,9415 als er von den alben gât
0,9416 noch dicker vielen an der stat
0,9417 die liute tôt dâr nidere
0,9418 beidiu vüre und widere
0,9419 sach man daz viur glasten
0,9420 si wolten nie gerasten
0,9421 unz daz der tac niemer schein
0,9422 wie si getruogen daz enein .
0,9423 daz si ruowe wolten pflegen
0,9424 zwischen in wart ein vride gegeben
0,9425 unz an den andern tac danne
0,9426 daz widerriet dô ein man
0,9427 Wolvhart der mære
0,9428 des volgete der Bernære
0,9429 der vride widerboten wart
0,9430 in der zît hête sich geschart
0,9431 Biterunc von Êngellant
0,9432 der vuorte mit werlîcher hant
0,9433 sechzehen tûsent recken
0,9434 die starken und die quecken
0,9435 wâren dâ mit Êrmrîche
0,9436 ze schade Dietrîche
0,9437 die vuorten ein schare breit
0,9438 swarz und wîz als man seit
0,9439 si wâren georset alle wole
0,9440 dâ wider ich iu prûeven sol
0,9441 die gegen Biterunge riten
0,9442 und einen sturm mit in striten
0,9443 daz was selp der Bernære
0,9444 und manic recke mære
0,9445 ahte schar vile hêrlich
0,9446 riten mit dem hêrren Dietrîch
0,9447 ieteslîcher schar was tûsent manne
0,9448 dâ rante ie einer zwêne an .
0,9449 dâ wart lachen gelâzen
0,9450 gelîche si ez dar mâzen
0,9451 zesamene brâsten die schar
0,9452 ez hête hêrr Dietrîch daz ist wâr
0,9453 leider ze vaste nâch
0,9454 ein strît dâ allerêrste geschach
0,9455 daz sît beweinten ougen
0,9456 nû geloubet sunder lougen
0,9457 ez wart durch halsberc unde durch schilt
0,9458 die scharpfen gêre gezilet
0,9459 daz ez durch diu herze brast
0,9460 beidiu vriunt und gast
0,9461 muosten dâ tôt belîben

0,9462 man sach zesamene trîben
0,9463 den sturm ûf der heide
0,9464 dâ was boesiu ougenweide
0,9465 der strît der was sô herte
0,9466 nieman dem anderm werte
0,9467 weder der vater dem kinde
0,9468 ire slege wâren sô swinde
0,9469 daz ich in nie gelîche sach
0,9470 manic man dâ gerach
0,9471 daz von sô vile liuten
0,9472 in velden und in riuten
0,9473 herter sturm nie wart gestriten
0,9474 die halsberge wurden versniten
0,9475 daz si enzwei hiengen
0,9476 mort si begiengen
0,9477 an einander ûf dem wal
0,9478 dâ vielen eteslich ze tal
0,9479 âne houbet und âne hant
0,9480 alsô ströuweten si daz lant
0,9481 von den slegen si sich bugen
0,9482 die schilde von den handen vlugen
0,9483 reht alsam ein durrez strô
0,9484 beidiu trûric und unvrô
0,9485 wart vile manic werdez wîp
0,9486 umbe ire lieben mannes lîp
0,9487 sô kleite daz kint unde mâc
0,9488 ô wê der vile dâ tôt gelac
0,9489 nû hoeret grôziu wunder sagen
0,9490 dô under in wurden erslagen
0,9491 diu ûzerwelten kastelâne
0,9492 dô muosten si ze vûezen gân
0,9493 alle trâten si ein pfat
0,9494 mit strîte an der selben stat
0,9495 dâ gie der sturm vaste entwer
0,9496 dise hin und jene her
0,9497 der mâne in schône lûhtete
0,9498 nieman den andern schûhte
0,9499 er wær starc oder kranc
0,9500 kraft wider kraft dâ ranc
0,9501 die wîl si hêten decheine maht
0,9502 si schieden sich bî der naht
0,9503 unz der tac wole ûf sleich
0,9504 ire halsberge wâren alsô weich
0,9505 worden von der hitze
0,9506 “waz wonders ist aber ditze”
0,9507 sprach der marcgrâve Rüedegêr
0,9508 “sulen wir geruowen niemer mêr”
0,9509 dô der tac ûf gie

0,9510 dannoch weigerlîchen hier
0,9511 ze beiden handen truoc daz swert
0,9512 Biterunc der recke wert
0,9513 sîn schar was worden dünne
0,9514 man unde künne
0,9515 lâgen ûf dem wal erslagen
0,9516 si hêten kleine vertragen
0,9517 den starken Dietrîches mannen
0,9518 die wâren ouch von ire leben getân
0,9519 Alphart der mære
0,9520 lief von dem Bernære
0,9521 den küenen Biterungen an
0,9522 Biterunc der küene man
0,9523 ouch gegen Alpharten lief
0,9524 si holeten ûz ire herzen tief
0,9525 zwêne slege vreislich
0,9526 Biterunc der ellenes rîche
0,9527 traf Alpharten êr .
0,9528 daz der recke niemer mêr
0,9529 von der stat kom gesunt
0,9530 allrêrest wart dem Bernær kunt
0,9531 daz allersterkeste leit
0,9532 daz im ie geschach als man seit
0,9533 dô in hêrr Dietrîch tôten sach
0,9534 dô wart im von dem grimme gâch
0,9535 an Biterungen dâ der stuont
0,9536 als noch die liute in zorne tuont
0,9537 si liefen beide einander an
0,9538 des muoste ir einer schaden hân
0,9539 si striten eine lange zît
0,9540 under in herte was der strît
0,9541 dem Bernær wart von einem manne
0,9542 in dem strîte nie sô wê getân
0,9543 dô si striten dâ den strît
0,9544 unz wole ûf vruoimbîzzît
0,9545 dô dâhte der Bernære
0,9546 “unser eintweders swære
0,9547 muoz iezuo ein ende hân”
0,9548 dô lief er Biterungen an
0,9549 und sluoc im einen sô herten slac
0,9550 daz im daz houbet unz ûf den nac
0,9551 allez ensamet enzwei gie
0,9552 dô hête mit grimme gerochen hier
0,9553 hêrr Dietrîch sînen lieben man
0,9554 hêrr Biterunc ruofen began
0,9555 “swaz der mînen hier mac wesen
0,9556 die vliehen ob si wellen genesen”
0,9557 daz was sîn allerlezzeste wort

0,9558 ûf den recken Alphart
0,9559 viel er tôter dâ nider
0,9560 daz gulten recken sider
0,9561 Rîchher von Parîse
0,9562 der starke und der wîse
0,9563 brâhte kurzlîchen dar
0,9564 zwelif hêrlîche schar
0,9565 in ieteslîcher schare breit
0,9566 riten tûsent recken gemeit
0,9567 manige brünne stæln
0,9568 die bezzisten die dâ mohten sîn
0,9569 dâ wâren si gewâfenet in
0,9570 “ich sihe wole wir komen niemer hin”
0,9571 sprach von Lunders Helpfrîch .
0,9572 “edel küninc von roemisch rîche
0,9573 wir sulen ez enouwe lâzen gân
0,9574 sît hier nieman genesen kan”
0,9575 “daz ist mir ouch als mære”
0,9576 sprach der Bernære
0,9577 “ob ich hier gelige tôt
0,9578 ich muoz mîner starken nôt
0,9579 hier an ein ende komen
0,9580 oder mir werde der lîp benomen
0,9581 wir hân noch recken wole gesunt
0,9582 und hân geahet an dirre stunt
0,9583 waz wir liute mûgen hân
0,9584 ich wæne wole drîzic tûsent man
0,9585 haben wir noch volliclîchen”
0,9586 “nû lâzen wir dar strîchen”
0,9587 sprach Dietleip von Stîrelande
0,9588 dâ wart gewegen alzehant
0,9589 sehs schar hêrlîche
0,9590 Dietleip der ellenes rîche
0,9591 was ir aller houbetman
0,9592 als ich vûre wâr vernomen hân .
0,9593 si hêten slehtes sich bewegen
0,9594 alle die Dietrîches degene
0,9595 lîbes unde guotes
0,9596 si wâren eines muotes
0,9597 daz erzeugten si des tages wole
0,9598 noch mêr ich iu sagen sol
0,9599 die allertiuresten man
0,9600 die der von Berne mohte hân .
0,9601 die wurden gewegen in den strît
0,9602 dô was iz komen an die zît
0,9603 daz die vîande mit ire schar
0,9604 begunden stapfen daz ist wâr
0,9605 gegen dem von roemisch lande

0,9606 dô sprach hêrr Dietrîch zehant
0,9607 “nûtrâ recken hôchgemuot”
0,9608 daz tâten ouch die helde guot
0,9609 von stat triben si diu marc .
0,9610 si kômen dar mit nîde starc
0,9611 ûf einander geriten
0,9612 dâ wart langer niht gebiten
0,9613 sâr zuo den handen diu swert
0,9614 dâ wart strîtes gegert
0,9615 mit nîdigem muote
0,9616 die kûenen helde guote
0,9617 ûf einander sluogen
0,9618 mit grimme si truogen
0,9619 diu swert in den handen
0,9620 mit krefte si sich wanden
0,9621 beidiu hin unde her
0,9622 in was zuo einander ger
0,9623 dâ was jâmer unde wê
0,9624 ez geschihet niemer mêr
0,9625 sô herter strît an einer stat
0,9626 des werde Êrmrîches niemer rât
0,9627 der den strît ie gevuogte
0,9628 wande in nie genuogte
0,9629 decheiner untriuwen
0,9630 des sol mich kleine riuwen
0,9631 swaz sîner sêle geschihet
0,9632 daz klage ich niemer niht
0,9633 si sluogen hin jene her
0,9634 alsô gie ez entwer
0,9635 mit sturme ûf der heide
0,9636 dâ geschach vile ze leide
0,9637 dem kûninge Êrmrîche
0,9638 ez wart ouch sicherlîche
0,9639 des von Berne niht vergezzen
0,9640 vile manigen helt vermezzen
0,9641 verlôs dâ der Bernære
0,9642 ditz ist ein wârez mære
0,9643 dirre sturm der was grôz
0,9644 daz bluot durch die ringe vlôz
0,9645 und durch die ringe sêre
0,9646 wâ gehôrt ir ie mêre
0,9647 einen sturm alsô langen
0,9648 ez was nû sô ergangen
0,9649 swaz dâ ze schaden mohte ergân
0,9650 doch wart der strît alsô getân
0,9651 er werte dannoch al den tac
0,9652 ô wê waz liute dâ gelac
0,9653 ê daz ein ende næme der strît

0,9654 rehte wole ze nône zît
0,9655 dô was velt unde plân
0,9656 alsô jæmerlîche getân
0,9657 mit bluote überraunen
0,9658 die recken vile versunnen
0,9659 hêten nû vile kleine kraft
0,9660 diu Êrmrîches rîterschaft
0,9661 diu was nû alliu erslagen
0,9662 ez ist ze mære wole ze sagenne
0,9663 ditz wunder daz dâ geschach
0,9664 man sach von bluote manigen bach
0,9665 über velt rinnen
0,9666 als ich mich kan versinnen
0,9667 sô lac der liute dâ sô vile
0,9668 daz ich daz wole sprechen wile
0,9669 daz bî niemannes zîten
0,9670 in sturme oder in strîten
0,9671 sô manic man nie wart erslagen
0,9672 wer kunde iz iu ze geloube sagen
0,9673 nû lâzen wir diu mære stân
0,9674 und heben hier wider an
0,9675 wie sich ende der strît
0,9676 daz vernemet an dirre zît
0,9677 dô Rîcher von Parîse
0,9678 der starke und der wîse
0,9679 mit Dietleiben hier gestreit
0,9680 Rîcher hête als man seit
0,9681 mit im dâ zwelif tûsent man
0,9682 der kom nie keiner dannen
0,9683 oder si lægen alle dâ tût
0,9684 dâ was ein klegelîcher nôt
0,9685 daz dâ solich mort ergie
0,9686 ir hôrtet iz gesagen nie
0,9687 reht gegen âbent
0,9688 dô lâgen tût unde wunt
0,9689 alle Rîcheres man .
0,9690 er kom ouch selp niht von dannen
0,9691 in sluoc Wolvhart der wîgant
0,9692 ouch galt sich mit ellenes hant
0,9693 Rîcher der mære
0,9694 der sluoc dem Bernære
0,9695 ehte ze tôde sîner manne
0,9696 die tiuresten die er mohte hân
0,9697 wer die wæren die wile ich
0,9698 iu nennen nû vernemet mich
0,9699 daz eine daz was Helmschart
0,9700 daz ander was Alphart
0,9701 daz dritte hêrr Nere

0,9702 si verklagete niemer mêre
 0,9703 von Berne der hêre Dietrîch
 0,9704 noch nenne ich iu sicherlîche
 0,9705 einen recken ûzerkoren
 0,9706 ô wê der ouch dâ wart verloren
 0,9707 daz was Jubart von Laterân
 0,9708 und von Pôle Berhtram
 0,9709 und ouch der küene Amelolt
 0,9710 wær roemisch lant allez golt
 0,9711 daz hête der vürste ûzerkoren
 0,9712 drîzic stunt gerne verloren
 0,9713 und hête ez allez dar gegeben
 0,9714 umbe sîner lieben manne leben
 0,9715 dâ gelac hêre Êgenôt
 0,9716 Êgewart starp dâ tôt
 0,9717 dâ gelac Starker der degen
 0,9718 der ahte recken vile bewegen .
 0,9719 vergaz sît niemer mêre
 0,9720 von Berne der hêre
 0,9721 dô der tac hine seic
 0,9722 und diu naht zuo steic
 0,9723 dô was ebene unde tal
 0,9724 allez vol überal
 0,9725 getunget mit tôten vaste
 0,9726 wole ein diutischiu raste
 0,9727 ez mit tôten vollez lac
 0,9728 dâ was ein urteillicher tac
 0,9729 dâ gelac manic breitiu schar
 0,9730 Êrmrîch verlôs alle die gar
 0,9731 die er hête brâht in den strît
 0,9732 ir lebete nieman bî der zît
 0,9733 niuwan einlif hundert manne
 0,9734 und kômen die niht alle dannen
 0,9735 oder ir wurde noch vile erslagen
 0,9736 nû vernemet ich wile iu sagen
 0,9736a âventiure wie Êrmrîch entran und der Bernær nâch jeite
 0,9737 dô Êrmrîch daz gesach
 0,9738 daz er ez hête vaste nâch
 0,9739 dô habete er bî Rîpsteine
 0,9740 dort verre ûf einem reine
 0,9741 dâ was ouch Sibeche der unstæte
 0,9742 von dem die ungetriuwen ræte
 0,9743 in die werelt sint bekommen
 0,9744 als ir dicke habet wole vernomen
 0,9745 dô kom ouch Witege gerant
 0,9746 dâ er Êrmrîchen vant
 0,9747 vile balde er im zuo sprach
 0,9748 als er in verrest an gesach

0,9749 “wes bîtet ir küninc rîche
0,9750 daz ir niht sicherlîche
0,9751 vliehet zuo den vesten
0,9752 sehet ir dort her bresten
0,9753 den hêrren Dietrîchen
0,9754 wir sulen im entwîchen
0,9755 swaz wir nû langer hier bestân
0,9756 daz muoz uns an daz leben gân
0,9757 mâge und liute sint alle erslagen
0,9758 lâzen wir uns nû hier betagen
0,9759 des mûgen wir komen in grôze nôt
0,9760 wær unser ein her sô wæren wir tôt”
0,9761 in der zît dô daz geschach
0,9762 dô kom gerennet dort her nâch
0,9763 Gunther von Rîne
0,9764 und Gêrnôt der bruoder sîne
0,9765 die hôhesten vürsten ûzerkoren
0,9766 die hêten an dem strîte verloren
0,9767 niunzehn tûsent man .
0,9768 vaste ruofen dâ began
0,9769 der hôhe küninc Gêrnôt
0,9770 “swer hier niht welle ligen tôt
0,9771 der hebe sich von hinnen
0,9772 ob er müge entrinnen”
0,9773 dâ wart gebiten niht mêr
0,9774 Êrmrîch der küninc hêr
0,9775 saz ûf ein guot kastelân
0,9776 vile vaste man vliehen began
0,9777 swer baz mohte der reit dâ hin
0,9778 daz was ein wîslîcher sin
0,9779 nieman des andern dâ erbeit
0,9780 nû was ouch kumen als man seit
0,9781 der edele Bernære
0,9782 mit manigem recken mære
0,9783 und volgeten im wole driu tûsent manne
0,9784 diu ûzerwelten kastelân
0,9785 treip man dar krefticlîchen
0,9786 dâ jeite man Êrmrîchen
0,9787 gegen Bolonie zuo der stat
0,9788 Wolvhart ruofte unde bat
0,9789 sînen lieben hêrren
0,9790 “nû rechet iuweren werren
0,9791 und slahet swen ir vindet
0,9792 niht nâhent ir erwindet
0,9793 und lât et einen hin niht”
0,9794 ô wê der grôzen geschiht
0,9795 diu an der vluht dâ geschach
0,9796 man schôz sluoc unde stach

0,9797 die Êrmrîches ûf der strâze
 0,9798 si sturben âne mâze
 0,9799 der einlif hundert manne
 0,9800 die mit im vluchen dannen
 0,9801 der kom wan zwei hundert hin
 0,9802 alsô nam zuo sîn gewin
 0,9803 mâge unde manne er dâ verlôs
 0,9804 ô wê wie schier er si verkôs
 0,9805 daz et er selbe dâ entran
 0,9806 er ne ruohte umbe mâge unde umbe manne
 0,9807 doch wile ich daz eine sagen
 0,9808 und wile iz iemer gote klagen
 0,9809 daz diu stat sô nâhen was
 0,9810 daz half leider daz er genas
 0,9811 dâr in entran Êrmrîch
 0,9812 ô wê daz riuwet mich
 0,9813 Sibeche ouch mit im entran
 0,9814 nû hoeret waz ich vernomen hân
 0,9815 an dem graben vore der stat
 0,9816 als man mir gesaget hât
 0,9817 dâ erreit Êgehart Rîpsteinen
 0,9818 “nû hân ich der rechten einen”
 0,9819 sprach der recke Êgehart
 0,9820 “nû wirstest dû langer niht gespart
 0,9821 dû vile ungetriuwer man
 0,9822 dû gewünne mir mîne hêrren an
 0,9823 die getriuwen Harlunge
 0,9824 nû wile ich mit dir tungen
 0,9825 einen galgen ob ich mac
 0,9826 ez muoz sîn dîn lezzester tac
 0,9827 sît mir dich got gevüezet hât
 0,9828 decheinen ungetriuwen rât
 0,9829 getætest dû niemer mêre
 0,9830 dû ernest daz vile sêre
 0,9831 hête ich alsô wêrlîche
 0,9832 dînen hêrren Êrmrîche
 0,9833 alsam hier bî dir
 0,9834 sô müeste er tût sîn von mir”
 0,9835 dô bôt er im kreftigez golt
 0,9836 Êgehart des niht en wolte
 0,9837 er zuhte daz swert mit ellenes hant
 0,9838 Êgehart der wîgant
 0,9839 Rîpstein daz houbet ab sluoc
 0,9840 alsô tôten er in truoc
 0,9841 und bant in ûf daz marc
 0,9842 danne vuorte in der helt starc
 0,9843 gegen dem von Berne wider
 0,9844 dâ sach er ûf der strâze nider

0,9845 der tôten harte vile ligen
0,9846 wie ez Êrmrîch ist gedigen
0,9847 daz habet ir allez wole vernomen
0,9848 er hât den schaden dâ genomen
0,9849 der im iemer nâch gât
0,9850 dô Êgehart kom an die stat
0,9851 dâ der strît was ergân
0,9852 dô kômen Dietrîches man
0,9853 die dâ hêten nâch gejeit
0,9854 wellt ir nû hoeren herzen leit
0,9855 und starken jâmer manicvalt
0,9856 umbe alle die helde balt
0,9857 die an dem strîte wâren erslagen
0,9858 dâr umbe wart michel klagen
0,9859 von allen Dietrîches mannen
0,9860 ez mohte nieman verlân
0,9861 er muoste beweinen dise nôt
0,9862 ez lac dâ vile ire mâge tôt
0,9863 dô si ire herzenswære
0,9864 klageteten mit dem mære
0,9865 dô kom ouch hêrr Dietrîch
0,9866 und Rüedegêr der lobelich
0,9867 Nuodunc unde Baltram
0,9868 Dietleip unde Sintram
0,9869 Îrinc unde Bloedelîn
0,9870 Walther unde Erewîn
0,9871 Hûnolt unde Sigebant
0,9872 Berhther unde Hiltebrant
0,9873 Wolvhart unde Starkân
0,9874 Vriderîch und Elsân
0,9875 die küenen recken mære
0,9876 mitsamt dem Bernære
0,9877 stuonden si nider ûf daz gras
0,9878 vile barmiclich diu klage was
0,9879 dâ was wê und ungemach
0,9880 von Berne der voget sprach
0,9881 zuo den recken überal
0,9882 “ir helde nû gêt ûf daz wal
0,9883 und suochet ûz dem bluote
0,9884 die edelen recken guote
0,9885 tuot ez iu selp ze heile
0,9886 lât si niht werden ze teile
0,9887 den boesen unkunder”
0,9888 si teilten sich besunder
0,9889 ûf dem wale hin und her
0,9890 si plâneten die tôten dâ entwer
0,9891 die Êrmrîchen hôrten an
0,9892 die wurden den vogelen dâ verlân

0,9893 swaz der von Hiunen dâ was
 0,9894 ûz dem bluote man die las .
 0,9895 und truoc si ûz an daz lant
 0,9896 hêrr Dietrîch Alpharten vant
 0,9897 und den kûenen Ègewarten
 0,9898 Amelolten und Helmscharten
 0,9899 und Jubarten von Laterân
 0,9900 dô er sîn getriuwe man
 0,9901 sach ligen in dem bluote
 0,9902 mit grimmigem muote
 0,9903 der von Berne über si saz
 0,9904 nû müget ir hoeren gerne daz
 0,9905 wie jâmerlîche er klagete
 0,9906 vore leide er reht verzagete
 0,9907 er vie sich selbe in daz hâr
 0,9908 er sprach “ô wê nû hân ich gar
 0,9909 wünne unde vröuwede verloren
 0,9910 sît mîn recken ûzerkoren
 0,9911 alle hier nû tât sint
 0,9912 ich armer Dietmâres kint
 0,9913 nû muoz ich mit jâmer leben
 0,9914 hêrre got dû hât mir gegeben
 0,9915 niuwan ungemach und herzen leit
 0,9916 Maria muoter unde meit
 0,9917 kûninginne in himelrîche
 0,9918 erbarme dich genædiclîche
 0,9919 über mich vröuwedelôsen man
 0,9920 ô wê waz ich nû verloren hân
 0,9921 an dir getriuwer Alphart
 0,9922 ich was mit dir vile wole bewart
 0,9923 aller mîner êren .
 0,9924 swar ich hin wolte kêren
 0,9925 der triuwe muoz ich nû âne sîn
 0,9926 ô wê des werden lîbes dîn
 0,9927 der nû die erde bûwen sol
 0,9928 nû wirdet mir niemer mêre wole
 0,9929 unz an mîne lezzeste stunt”
 0,9930 Alpharten kuste er an den munt
 0,9931 “ô wê hôchgetriuwer lîp
 0,9932 dîne tugende müezen alliu wîp
 0,9933 iemer weinen unde klagen
 0,9934 swâ si hôrten von dir sagen
 0,9935 ô wê ûzerwelter degen
 0,9936 Amelolt recke ûzerwegen
 0,9937 nû muoz ich mich ouch ânen dîn
 0,9938 daz ich âne dich muoz iemer sîn
 0,9939 daz erbarme dir heiliger Krist
 0,9940 waz grôzer triuwen an dir ist

0,9941 vile lieber Amelolt gelegen
0,9942 ô wê unverzaget der degen
0,9943 sol ich dich niemer gesehen
0,9944 mir ist an dir sô leit geschehen
0,9945 daz nie mennische sô leit geschach .”
0,9946 daz hâr er ûz dem kopfe brach
0,9947 “ô wê ich vile unsælic man
0,9948 daz ich niht ersterben kan
0,9949 ze wiu bin ich iemer mêre
0,9950 vile lieber recke Nêre
0,9951 wie möhte ich dich ouch verklagen
0,9952 ô wê daz ich niht bin erslagen
0,9953 des sî verteilet diu stunt
0,9954 Nêre swem dîn tugent wær kunt
0,9955 als reht sam si mir ist
0,9956 der klagete dich vüre dise vrist
0,9957 mit triuwen iemer mêre
0,9958 ô wê getriuwer Nêre
0,9959 dû wære küene unde milte
0,9960 nie nihtes dich bevilet
0,9961 daz tugende unde êre heizen sol
0,9962 des was dîn reinez herze vol
0,9963 ô wê Jubart von Laterân
0,9964 waz ich an dir verloren hân
0,9965 wie sol ich nû âne dich geleben
0,9966 got hêre dû hâst mir gegeben
0,9967 grôz ungenâde bî mînen tagen
0,9968 nie kein mennische wart getragen
0,9969 sô reht unsælic als ich bin
0,9970 swære ich mich verwende hin
0,9971 dâ ist mir wirser danne wê
0,9972 ich verklage dich niemer mêr
0,9973 dû wære küene unde starc
0,9974 dâr zuo witzic unde karc
0,9975 getriuwe und vile tugenthafft
0,9976 ûzgenomeniu rîterschaft
0,9977 die kunde tuon dîn reiner lîp
0,9978 alle maget unde wîp
0,9979 sulen dînen tôt wole klagen
0,9980 ez gehôrte nieman von dir sagen
0,9981 untât noch untugende
0,9982 dû wær in dîner jugende
0,9983 der triuwen reht ein rôse
0,9984 dîn werdez wîp Binôse
0,9985 mac dich wole weinen unde klagen
0,9986 mîn hundert mohten niht gesagen
0,9987 die êre diu an dir lac
0,9988 dû wær blüejenter ôstertac

0,9989 dīner liute und dīner mâte
 0,9990 der milte ein gelīchiu wâte
 0,9991 ein hagel und ein bitter dorn
 0,9992 hôher recke ûzerkoren
 0,9993 dīnen vīanden ze allen zīten
 0,9994 dâ heime und in strīten
 0,9995 ûf velde und ûf strâze
 0,9996 ô wê wie ich dich lâze
 0,9997 sol ich dich niemer mêr gesehen
 0,9998 nû ist mir êrste leit geschehen”
 0,9999 hier mit kômen ouch gegân
 0,10000 beidiu vriunt unde man
 0,10001 von den ein klage sich dâ huop
 0,10002 dô man die tôten begruop
 0,10003 si wunden die hende
 0,10004 und klageteten manigen ende
 0,10005 [!] [!] [!] [!] [!] [!] [!]
 0,10006 [!] [!] [!] [!] [!] [!] [!]
 0,10007 [!] [!] [!] [!] [!] [!] [!]
 0,10008 [!] [!] [!] [!] [!] [!] [!]
 0,10009 [!] [!] [!] [!] [!] [!] [!]
 0,10010 [!] [!] [!] [!] [!] [!] [!]
 0,10011 [!] [!] [!] [!] [!] [!] [!] [!]
 0,10012 [!] [!] [!] [!] [!] [!] [!]
 0,10013 [!] [!] [!] [!] [!] [!] [!]
 0,10014 [!] [!] [!] [!] [!] [!] [!]
 0,10015 [!] [!] [!] [!] [!] [!] [!]
 0,10016 [!] [!] [!] [!] [!] [!] [!]
 0,10017 [!] [!] [!] [!] [!] [!] [!]
 0,10018 [!] [!] [!] [!] [!] [!] [!]
 0,10019 [!] [!] [!] [!] [!] [!] [!]
 0,10020 [!] [!] [!] [!] [!] [!] [!]
 0,10021 [!] [!] [!] [!] [!] [!] [!] [!]
 0,10022 [!] [!] [!] [!] [!] [!] [!] [!]
 0,10023 [!] [!] [!] [!] [!] [!] [!] [!]
 0,10024 [!] [!] [!] [!] [!] [!] [!] [!]
 0,10025 [!] [!] [!] [!] [!] [!] [!] [!]
 0,10026 [!] [!] [!] [!] [!] [!] [!] [!]
 0,10027 [!] [!] [!] [!] [!] [!] [!] [!]
 0,10028 [!] [!] [!] [!] [!] [!] [!] [!]
 0,10029 [!] [!] [!] [!] [!] [!] [!] [!]
 0,10030 [!] [!] [!] [!] [!] [!] [!] [!]
 0,10031 [!] [!] [!] [!] [!] [!] [!] [!]
 0,10032 [!] [!] [!] [!] [!] [!] [!] [!]
 0,10033 [!] [!] [!] [!] [!] [!] [!] [!]
 0,10034 [!] [!] [!] [!] [!] [!] [!] [!]
 0,10035 [!] [!] [!] [!] [!] [!] [!] [!]
 0,10036 [!] [!] [!] [!] [!] [!] [!] [!]

0,10037 [!] [!] [!]
 0,10038 [!] [!] [!] [!]
 0,10039 [!] [!] [!] [!] [!] [!]
 0,10040 [!] [!] [!] [!] [!]
 0,10041 [!] [!] [!] [!] [!] [!]
 0,10042 [!] [!] [!] [!] [!]
 0,10043 [!] [!] [!] [!] [!]
 0,10044 [!] [!] [!] [!]”
 0,10045 [!] [!] [!] [!] [!] [!] [!]
 0,10046 [!] [!] [!] [!] [!] [!] [!]
 0,10047 [!] [!] [!] [!] [!] [!]
 0,10048 [!] [!] [!]
 0,10049 [!] [!] [!] [!] [!]
 0,10050 [!] [!] [!] [!] [!] [!]
 0,10051 [!] [!] [!] [!] [!]
 0,10052 [!] [!] [!] [!] [!] [!]
 0,10053 [!] [!] [!] [!]
 0,10054 [!] [!] [!] [!] [!] [!] [!]
 0,10059 [!] [!] [!]
 0,10060 [!] [!] [!] [!] [!]
 0,10061 [!] [!] [!] [!] [!] [!] [!]
 0,10062 [!] [!] [!] [!] [!]
 0,10063 [!] [!] [!] [!] [!]
 0,10064 [!] [!] [!] [!]
 0,10065 [!] [!] [!] [!]
 0,10066 [!] [!] [!] [!] [!]
 0,10067 [!] [!] [!] [!] [!]
 0,10068 [!] [!] [!] [!] [!]
 0,10069 [!] [!] [!] [!] [!]
 0,10070 [!] [!] [!] [!] [!] [!]
 0,10071 [!] [!] [!] [!] [!]
 0,10072 [!] [!] [!] [!] [!] [!]
 0,10073 [!] [!] [!]
 0,10074 [!] [!] [!] [!]
 0,10075 [!] [!] [!] [!] [!]
 0,10076 [!] [!] [!] [!] [!]
 0,10077 [!] [!] [!] [!]
 0,10078 [!] [!] [!] [!]
 0,10079 [!] [!] [!] [!] [!]
 0,10080 [!] [!] [!] [!] [!]
 0,10081 [!] [!] [!] [!] [!]
 0,10082 [!] [!] [!] [!] [!] [!]
 0,10083 [!] [!] [!] [!] [!] [!]
 0,10084 [!] [!] [!] [!] [!]
 0,10085 [!] [!] [!] [!] [!]
 0,10086 [!] [!] [!] [!] [!]
 0,10087 [!] [!] [!] [!] [!] [!]
 0,10088 [!] [!] [!] [!] [!]

0,10089 [!] [!] [!] [!]
 0,10090 [!] [!] [!] [!]
 0,10091 [!] [!] [!] [!]
 0,10092 [!] [!] [!] [!] [!] [!] [!] [!]
 0,10093 [!] [!] [!] [!] [!] [!]
 0,10094 [!] [!] [!] [!] [!] [!]
 0,10095 [!] [!] [!]
 0,10096 [!] [!] [!] [!] [!]
 0,10097 [!] [!] [!]
 0,10098 [!] [!] [!] [!] [!]
 0,10099 [!] [!] [!] [!] [!] [!]
 0,10100 [!] [!] . [!] . [!] [!] [!] [!]
 0,10101 [!] [!] [!] [!] [!] [!]
 0,10102 [!] [!] [!] [!] [!]
 0,10103 [!] [!] [!] [!]
 0,10104 [!] [!] [!] [!] [!] [!]
 0,10105 [!] [!] [!] [!]
 0,10106 [!] [!] [!]
 0,10107 [!] [!] [!] [!] [!]
 0,10108 [!] [!] [!] [!]
 0,10109 [!] [!] [!] [!] [!]
 0,10110 [!] [!] [!] [!] [!]
 0,10111 [!] [!] [!] [!] [!] [!] [!]
 0,10112 [!] [!] [!]
 0,10113 [!] [!] [!] [!]
 0,10114 [!] [!] [!] [!] [!] [!]
 0,10115 [!] [!] [!] [!] [!]
 0,10116 [!] [!] [!] [!]
 0,10117 [!] [!] [!] [!]
 0,10118 [!] [!] [!]
 0,10119 [!] [!] [!] [!] [!] [!]
 0,10120 [!] [!] [!] [!]
 0,10121 [!] [!] [!] [!] [!] [!]
 0,10122 [!] [!] [!] [!]
 0,10123 [!] [!] [!] [!] [!] [!]
 0,10124 [!] [!] [!] [!]
 0,10125 [!] [!] [!] [!]
 0,10126 [!] [!] [!] [!]
 0,10127 [!] [!] [!] [!] [!] [!]
 0,10128 [!] [!] [!] [!] [!] [!] [!]
 0,10129 [!] [!] [!] [!]
 0,10130 [!] [!] [!] [!]
 0,10131 [!] [!] [!]
 0,10132 [!] [!] [!] [!]
 0,10133 [!] [!] [!] [!] [!] [!]
 0,10134 [!] [!] [!] [!] [!] [!]
 0,10135 [!] [!] [!]
 0,10136 [!] [!] [!] [!]

0,10137 [!] [!] [!] [!] [!]
0,10138 [!] [!] [!] [!] [!] [!]
0,10139 [!] [!] [!] [!]
0,10140 [!] [!] [!] [!]
0,10141 [!] [!] [!] [!] [!]
0,10142 [!] [!] [!] [!] [!] [!] [!]
0,10143 [!] [!] [!] [!] [!]
0,10144 [!] [!] [!] [!] [!]
0,10145 [!] [!] [!] [!]
0,10146 [!] [!] [!] [!] [!] [!]
0,10147 [!] [!] [!] [!] [!]
0,10148 [!] [!] [!] [!] [!]
0,10149 [!] [!] [!] [!] [!]
0,10150 [!] [!] [!] [!]
0,10151 [!] [!] [!] [!] [!] [!] [!]
0,10152 [!] [!] [!] [!] [!] [!]